

四庫全書薈要

• 乾隆御覽本

史部

欽定四庫全書薈要卷三千六百十

史部

史記卷三十二

漢

太

史

令司馬遷

撰

宋中郎外兵曹參軍裴駟集解

唐國子博士弘文館學士司馬貞索隱

唐諸王侍讀率府長史張守節正義

齊太公世家第二

正義括地志云天齊池在青州臨淄縣東南十五里封禪書云齊之所以為齊者以天齊

太公望呂尚者東海上人

集解駟案呂氏春秋曰東夷之士索隱譙周曰姓姜名牙

炎帝之裔伯夷之後掌四岳有功封之於呂子孫從其封姓呂尚其後也按後文王得之渭濱云吾先君太公望子久矣故號太公望蓋牙是字尚是其名後武王號為師尚父則尚父官名其先祖嘗為四

嶽佐禹平水土甚有功虞夏之際封於呂

集解徐廣曰呂在南陽宛

縣或封於申姓姜氏

索隱地理志申在南陽宛縣申伯之國呂亦在宛縣之西也

夏

商之時申呂或封枝庶子孫或為庶人尚其後苗裔也

本姓姜氏從其封姓故曰呂尚呂尚蓋嘗窮困年老矣

索隱譙周曰呂望常屠牛於朝歌賣飯於孟津

以魚釣奸周西伯

正義奸音干括地志云茲

泉水源出岐州岐山縣西南凡谷呂氏春秋云太公釣
於茲泉遇文王鄴元云磻磻中有泉謂之茲泉泉水潭
積自成淵渚即太公釣處今人謂之凡谷石壁深高幽
篁邃密林澤秀阻人跡罕及東南隅有石室蓋太公所
居也水次有磻石可釣處即太公垂釣之所其投竿跪
餌兩膝遺跡猶存是有磻磻之稱也其水清冷神異北
流十二里注于渭說苑云呂望年七十釣于渭渚三日
三夜魚無食者望即忿脫其衣冠上有農人者古之異
人謂望曰子姑復釣必細其綸芳其餌徐徐而投無令
魚駭望如其言初下得鮒次得鯉刺魚腹得書書文曰
呂望封於齊
望知其異
西伯將出獵卜之曰所獲非龍非鬻
集解徐廣
曰勅知反索隱
餘本亦作螭字
非虎非羆所獲霸王之輔於是周西伯

獵果遇太公於渭之陽與語大說曰自吾先君太公曰

當有聖人適周周以興子真是邪吾太公望子久矣故號之曰太公望載與俱歸立為師或曰太公博聞嘗事紂紂無道去之游說諸侯無所遇而卒西歸周西伯或曰呂尚處士隱海濱周西伯拘羑里散宜生閔天素知而招呂尚呂尚亦曰吾聞西伯賢又善養老盍往焉三人者為西伯求羑里奇物獻之於紂以贖西伯西伯得以出反國言呂尚所以事周雖異然要之為文武師周西伯昌之脫羑里歸與呂尚陰謀修德以傾商政其事

多兵權與奇計

正義六韜云武王問太公曰律之音聲可以知三軍之消息乎太公曰深哉王

之問也夫律管十二其要有五宮商角徵羽此其正聲也萬代不易五行之神道之常也可以知敵金木水火土各以其勝攻之其法以天清靜無陰雲風雨夜半遣輕騎往至敵人之壘九百步偏持律管橫耳大呼驚之有聲應管其來甚微角管聲應當以白虎徵管聲應當以玄武商管聲應當以勾陳五管盡不應無有商聲當以青龍此五行之府佐勝之徵陰敗之機也

故後世之言兵及周之陰權皆

宗太公為本謀周西伯政平及斷虞芮之訟而詩人稱

西伯受命曰文王伐崇密須犬夷

索隱郡國志密須在東郡廩丘縣北今曰

顧城密須姑姓在河南密縣東故密城是也與安定姬姓密國各不同

大作豐邑天下三

分其二歸周者太公之謀計居多文王崩武王即位九

年欲修文王業東伐以觀諸侯集否師行師尚父

集解
駟案

劉向別錄曰師之尚之父之故
曰師尚父父亦男子之美號也

左杖黃鉞右把白旄以

誓曰蒼兕蒼兕

索隱本或作蒼雉按馬融曰蒼兕主舟
楫官名又王克云蒼兕水獸九頭今誓

衆令急濟故言
蒼兕以懼之

總爾衆庶與爾舟楫後至者斬遂至盟

津諸侯不期而會者八百諸侯諸侯皆曰紂可伐也武

王曰未可還師與太公作此太誓居二年紂殺王子比

干囚箕子武王將伐紂卜龜兆不吉風雨暴至羣公盡

懼唯太公彊之勸武王武王於是遂行十一年

集解徐廣曰一

作三正月甲子誓於牧野伐商紂紂師敗績紂反走登

鹿臺遂追斬紂明日武王立于社羣公奉明水

索隱周本紀毛

叔鄭奉明水

衛康叔封布采席

索隱周本紀衛康叔封布茲是席故此亦云采席也

師尚父牽牲史佚策祝以告神討紂之罪散鹿臺之錢

發鉅橋之粟以振貧民封比干墓釋箕子囚遷九鼎修

周政與天下更始師尚父謀居多於是武王已平商而

王天下封師尚父於齊營丘

正義營丘在青州臨淄北百步外城中

東就

國道宿行遲逆旅之人曰吾聞時難得而易失客寢甚

安殆非就國者也太公聞之夜衣而行犁明至國

索隱犁里

奚反犁猶比也又犁猶遲也

萊侯來伐與之爭營丘營丘邊萊萊人

夷也會紂之亂而周初定未能集遠方是以與太公爭

國太公至國修政因其俗簡其禮通商工之業便魚鹽

之利而人民多歸齊齊為大國及周成王少時管蔡作

亂淮夷

正義孔安國云淮浦之夷徐州之戎

畔周乃使召康公

集解服虔曰召公夷

命太公曰東至海西至河南至穆陵北至無棣

集解服虔曰是

皆太公始受封土地疆境所至也索隱舊說云穆陵在會稽非也按今淮南有故穆陵門是楚之境無棣在遼西孤竹服虔以為太公受封境界所至不然也蓋言其征伐所至之域五侯九伯實得征

之集解杜預曰五等諸侯九齊由此得征伐為大國都

營邱蓋太公之卒百有餘年集解駢案禮記曰太公封

於周鄭玄曰太公受封留為太師死葬於周五世之子後乃葬齊皇覽曰呂尚冢在臨菑縣城南去縣十里

丁公呂伋集解徐廣曰一作及立丁公卒子乙公得

立乙公卒子癸公慈母立索隱系本作祭公慈母癸公

卒子哀公不辰立索隱系本作不臣譙周亦作不辰宗

之哀公時紀侯譖之周周烹哀公

集解徐廣曰周夷王

而立其弟

靜是為胡公

正義謚法彌年壽考曰胡

胡公徙都薄姑

正義括地志云薄姑城在

青州博昌縣東北六十里

而當周夷王之時哀公之同母少弟山怨

胡公乃與其黨率營邱人襲攻殺胡公而自立是為獻

公索隱宋忠云其黨周馬繻人將胡公於貝水殺之而山自立也

獻公元年盡逐胡公

子因徙薄姑都治臨菑九年獻公卒子武公壽立武公

九年周厲王出奔居彘

正義直厲反括地志云晉州霍邑縣也鄭玄云霍山在彘本秦

伯時霍十年王室亂大臣行政號曰共和二十四年周宣

王初立二十六年武公卒子厲公無忌立厲公暴虐故胡公子復入齊齊人欲立之乃與攻殺厲公胡公子亦戰死齊人乃立厲公子赤為君是為文公而誅殺厲公

者七十人文公十二年卒子成公脫立

索隱系本及譙周皆作說字

成公九年卒子莊公購立

索隱劉氏音神欲反年表及系本並作贖

莊公二

十四年犬戎殺幽王周東徙雒秦始列為諸侯五十六年晉弑其君昭侯六十四年莊公卒子釐公祿甫立釐公九年魯隱公初立十九年魯桓公弑其兄隱公而自

立為君二十五年北戎伐齊鄭使太子忽來救齊齊欲
妻之忽曰鄭小齊大非我敵遂辭之三十二年釐公同
母弟夷仲年死其子曰公孫無知釐公愛之令其秩服
奉養比太子三十三年釐公卒太子諸兒立是為襄公
襄公元年始為太子時嘗與無知鬪及立絀無知秩服
無知怨四年魯桓公與夫人如齊齊襄公故嘗私通魯
夫人魯夫人者襄公女弟也自釐公時嫁為魯桓公婦
及桓公來而襄公復通焉魯桓公知之怒夫人夫人以

告齊襄公齊襄公與魯君飲醉之使力士彭生抱上魯

君車因拉殺魯桓公

集解駟案公羊傳曰擗幹而殺之何休曰擗折聲也正義拉音力合

反桓公下車則死矣魯人以為讓索隱讓猶責也而齊襄公殺

彭生以謝魯八年伐紀紀遷去其邑

集解徐廣曰年表云去其都邑索隱

春秋莊四年紀侯大去其國左氏云違齊難也

十二年初襄公使連稱管至父

戍葵丘

集解賈逵曰連稱管至父皆齊大夫索隱杜預云臨淄西有地名葵丘又下三十五年會諸侯

於葵丘當魯僖公九年杜預曰陳留外黃縣東有葵丘不同者蓋葵丘有兩處杜意以戍葵丘當不遠出齊境故引臨淄縣西之葵丘若三十五年會諸侯於葵丘杜又以不合在本國故引外黃東葵丘爲註所以不同也

瓜時而往及瓜而代

集解服虔曰瓜時七月及瓜謂後年瓜時

往戌一歲卒

瓜時而公弗為發代或為請代公弗許故此二人怒因

公孫無知謀作亂連稱有從妹在公宮無寵

集解服虔曰為妾在

宮使之間襄公

集解王肅曰候公之間隙

曰事成以女為無知夫人

冬十二月襄公游姑棼

集解賈逵曰齊地也正義音扶云反

遂獵沛丘

集解

杜預曰樂安博昌縣南有地名貝丘正義左傳云齊襄公田於貝丘墜車傷足即此也

見彘從者

曰彭生

集解服虔曰公見彘從者乃見彭生鬼改形為豕也

公怒射之彘人立而

啼公懼墜車傷足失屨反而鞭主屨者弗

正義非佛反下同弗主屨

也者三百弗出宮而無知連稱管至父等聞公傷乃遂率

其衆襲宮逢主屢弗弗曰且無入驚宮驚宮未易入也

無知弗信弗示之創

正義音瘡

乃信之待宮外令弗先入弗

先入即匿襄公戶間良久無知等恐遂入宮弗反與宮

中及公之幸臣攻無知等不勝皆死無知入宮求公不

得或見人足於戶間發視乃襄公遂弑之而無知自立

為齊君桓公元年春齊君無知游於雍林

集解賈逵曰渠丘大夫也

索隱本亦作雍廩左傳曰雍廩殺無知杜預曰雍廩齊大夫此云游雍林雍林人嘗有怨無知遂襲殺之蓋以

雍林為邑名其地有人殺無知賈言
雍林人嘗有怨無
渠丘大夫者蓋雍林為渠丘大夫也

知及其往游雍林人襲殺無知告齊大夫曰無知弑襄
公自立臣謹行誅唯大夫更立公子之當立者唯命是

聽初襄公之醉殺魯桓公通其夫人殺誅數不當淫於

婦人數欺大臣羣弟恐禍及故次弟糾奔魯其母魯女

也管仲召忽傳之次弟小白奔莒鮑叔傳之小白母衛

女也有寵於釐公小白自少好善大夫高傒

集解賈逵曰齊正卿

高敬仲也
正義音奚

及雍林人殺無知議立君高國先陰召小白

於莒魯聞無知死亦發兵送公子糾而使管仲別將兵
遮莒道射中小白帶鉤小白佯死管仲使人馳報魯魯
送糾者行益遲六日至齊則小白已入高傒立之是為
桓公桓公之中鉤佯死以誤管仲已而載溫車中馳行
亦有高國內應故得先入立發兵距魯秋與魯戰于乾
時集解杜預曰乾時齊地也時水在樂安界岐流旱則涸竭故曰乾時魯兵敗走齊兵掩
絕魯歸道齊遺魯書曰子糾兄弟弗忍誅請魯自殺之
召忽管仲讎也請得而甘心醢之不然將圍魯魯人患

之遂殺子糾于笙瀆

集解賈逵曰魯地句瀆也索隱按鄒誕生本作莘瀆莘笙聲相近笙

如字瀆音豆論語作溝瀆蓋後代聲轉而字異故諸文不同也

召忽自殺管仲請囚桓

公之立發兵攻魯心欲殺管仲鮑叔牙曰臣幸得從君

君竟以立君之尊臣無以增君君將治齊即高侯與叔

牙足也君且欲霸王非管夷吾不可夷吾所居國國重

不可失也於是桓公從之乃詳為召管仲欲甘心實欲

用之管仲知之故請往鮑叔牙迎受管仲及堂阜而脫

桎梏

集解賈逵曰堂阜魯北境杜預曰堂阜齊地東莞蒙陰縣西北有夷吾亭或曰鮑叔解夷吾縛於此

因以為名也

齊袞而見桓公桓公厚禮以為大夫任政桓公

既得管仲與鮑叔隰朋

集解徐廣曰或作崩也

高傒修齊國政連

五家之兵

集解駟案國語曰管子制國五家為軌十軌為里四里為連十連為鄉以為軍令

設

輕重魚鹽之利

索隱管子有輕重之法七篇輕重錢也又有捕魚煮鹽法

以贍貧

窮祿賢能齊人皆說二年伐滅鄭

集解徐廣曰一作譚索隱春秋魯莊十年

齊師滅譚是也杜預云譚國在濟南平陵縣西南然此鄭乃東海鄭縣蓋亦不當作鄭字也

鄭子奔

莒初桓公亡時過鄭鄭無禮故伐之五年伐魯魯將師

敗魯莊公請獻遂邑以平

集解杜預曰遂在濟北蛇丘縣東北

桓公許與

魯會柯而盟

集解杜預曰此柯今濟北東阿齊之阿邑猶祝柯今為祝阿

魯將盟曹

沫以匕首劫桓公於壇上

集解何休曰土基三尺階三等曰壇會必有壇者為升降

揖讓稱先君以相接也

曰反魯之侵地桓公許之已而曹沫去匕

首北面就臣位桓公後悔欲無與魯地而殺曹沫管仲

曰夫劫許之而倍信殺之

集解徐廣曰一云已許之而倍信殺劫也

愈一小

快耳而棄信於諸侯失天下之援不可於是遂與曹沫

三敗所亡地於魯諸侯聞之皆信齊而欲附焉七年諸

侯會桓公於甄

集解杜預曰甄衛地今東郡甄城也

而桓公於是始霸焉

十四年陳厲公子完號敬仲來奔齊

正義完音桓

齊桓公欲

以為卿讓於是以為工正

集解賈逵曰掌百工

田成子常之祖也

二十三年山戎伐燕

集解服虔曰山戎北狄蓋今鮮卑也何休曰山戎者戎中之別名也

燕告急於齊齊桓公救燕遂伐山戎至於孤竹而還燕

莊公遂送桓公入齊境桓公曰非天子諸侯相送不出

境吾不可以無禮於燕於是分溝割燕君所至與燕命

燕君復修召公之政納貢于周如成康之時諸侯聞之

皆從齊二十七年魯湣公母曰哀姜桓公女弟也哀姜

淫於魯公子慶父慶父弑湣公哀姜欲立慶父魯人更

立釐公

集解徐廣曰史記僖字皆作釐

桓公召哀姜殺之二十八年衛

文公有狄亂告急於齊齊率諸侯城楚丘而立衛君

集解

賈逵曰衛地也索隱杜預曰不言城衛衛未遷楚丘城武縣南即今之衛南縣是也

二十九年桓

公與夫人蔡姬戲船中蔡姬習水蕩公

集解賈逵曰蕩搖也

公懼

止之不止出船怒歸蔡姬弗絕蔡亦怒嫁其女桓公聞

而怒興師往伐三十年春齊桓公率諸侯伐蔡蔡潰

集解

服虔曰民逃其上曰潰也

遂伐楚楚成王興師問曰何故涉吾地管

仲對曰昔召康公命我先君太公曰五侯九伯若實征

之以夾輔周室

集解駢案左傳曰周公太公股肱周室夾輔成王也

賜我先君履

集解杜預曰所踐履之界

東至海西至河南至穆陵北至無棣楚貢

包茅不入王祭不共

集解賈逵曰包茅菁茅匭之也以供祭祀杜預曰尚書包匭菁茅茅

之為異未審

是以來責昭王南征不復是以來問

集解服虔曰周昭王

南巡狩涉漢未濟船解而溺昭王王室諱之不以赴諸侯不知其故故桓公以為辭責問楚也索隱宋忠云昭王南伐楚辛由靡為右涉漢中流而隕由靡逐王遂卒不復周乃侯其後于西翟

楚王曰貢之

不入有之寡人罪也敢不共乎昭王之出不復君其問

之水濱

集解杜預曰昭王時漢非楚境故不受罪

齊師進次于陘

集解杜預曰陘楚地

潁川名陵縣南有陘亭左傳曰凡師一宿為舍再宿為信過信為次

夏楚王使屈完將兵

扞齊齊師退次名陵

集解杜預曰名陵潁川縣

桓公矜屈完以其衆

屈完曰君以道則可若不則楚方城以為城

集解服虔曰方城山

在漢南韋昭曰方城楚北之阨塞杜預曰方城山在南陽葉縣南是也索隱地理志葉縣南有長城號曰方城則杜預韋昭說為得而服氏云在漢南未知有何依據

江漢以為溝君安能進乎

乃與屈完盟而去過陳陳袁濤塗詐齊令出東方覺秋

齊伐陳

集解駟案左傳曰討不忠也

是歲晉殺太子申生三十五年

夏會諸侯于葵丘

集解杜預曰陳留外黃縣東有葵丘也

周襄王使宰孔

賜桓公文武昨彤弓矢大路

集解賈逵曰大路諸侯朝服之車謂之金路

命

無拜桓公欲許之管仲曰不可乃下拜受賜

集解韋昭曰下堂拜

也賜秋復會諸侯於葵丘益有驕色周使宰孔會諸侯頗

有叛者

集解駟案公羊傳曰葵丘之會桓公震而矜之叛者九國

晉侯病後遇宰孔

宰孔曰齊侯驕矣第無行從之是歲晉獻公卒里克殺

奚齊淖子

集解徐廣曰史記卓多作淖正義卓尹角反

秦穆公以夫人入公

子夷吾為晉君桓公於是討晉亂至高梁

集解服虔曰晉地也杜預

曰在平陽縣西南

使隰朋立晉君還是時周室微唯齊楚秦晉

為彊晉初與會

正義與音預下同

獻公死國內亂秦穆公辟遠

不與中國會盟楚成王初收荆蠻有之夷狄自置唯獨

齊為中國會盟而桓公能宣其德故諸侯賓會於是桓

公稱曰寡人南伐至召陵望熊山北伐山戎離枝孤竹

集解駟案地理志云令支縣有孤竹城疑離枝即令支

也令離聲相近應劭曰令音鈴鈴離聲亦相近管子亦

作離字索隱離枝音零支又音令祇又如字離枝孤竹

皆古國名秦以離支為縣故地理志云遼西令支縣有

孤竹城爾雅曰孤竹北戶

西伐大夏涉流沙

正義大夏并州晉陽

西王母曰下謂之四荒也

是也東馬懸車登太行至卑耳山正義卑音壁剝伯莊及韋昭並如字而還

諸侯莫違寡人寡人兵車之會三正義左傳云魯莊十三年會北杏以平宋

亂僖四年侵蔡遂伐楚六年伐鄭圍新城也乘車之會六正義左傳云魯莊十四年會于鄆十

五年又會鄆十六年同盟于幽僖五年會首止八年盟于洮九年會葵丘是也九合諸侯一匡

天下正義匡正也一匡天下謂定襄王為太子之位昔三代受命有何以異於

此乎吾欲封泰山禪梁父管仲固諫不聽乃說桓公以

遠方珍怪物至乃得封桓公乃止三十八年周襄王弟

帶與戎翟合謀伐周齊使管仲平戎於周周欲以上卿

禮管仲管仲頓首曰臣陪臣安敢三讓乃受下卿禮以

見三十九年周襄王弟帶來奔齊齊使仲孫請王為帶

謝襄王怒弗聽四十一年秦穆公虜晉惠公復歸之是

歲管仲隰朋皆卒

正義括地志云管仲冢在青州臨淄縣南二十一里牛山上與桓公冢連

隰朋墓在青州臨淄縣東北七里也

管仲病桓公問曰羣臣誰可相者管

仲曰知臣莫如君公曰易牙如何

正義即雍巫也賈逵云雍巫雍人名巫易

牙對曰殺子以適君非人情不可公曰開方如何

正義管子

云衛公子開方去其千乘之太子而臣事君也對曰倍親以適君非人情難近

公曰豎刁如何

正義刁鳥條反顏師古云豎刁易牙皆齊桓公臣管仲有病桓公往問之曰將

何以教寡人管仲曰願君遠易牙豎刁公曰易牙烹其子以快寡人尚可疑耶對曰人之情非不愛其子也其子之忍又將何愛於君公曰豎刁自宮以迎寡人猶尚疑耶對曰人之情非不愛其身也其身之忍又將何有於君公曰諾管仲遂盡逐之而公食不甘心不怡者三年公曰仲父不已過乎於是皆即召反明年公有病易牙豎刁相與作亂塞宮門築高牆不通人有一婦人踰垣入至公所公曰我欲食婦人曰吾無所得又曰我欲飲婦人曰吾無所得公曰何故曰易牙豎刁相與作亂塞宮門築高牆不通人故無所得公慨然歎涕出曰嗟乎聖人所見豈不遠哉若死者有知我將何面目見仲父乎蒙衣袂而死乎壽宮蟲流於戶蓋以楊門之扇二

月不殯也對曰自宮以適君非人情難親管仲死而桓公不

用管仲言卒近用三子三子專權四十二年戎伐周

告急於齊齊令諸侯各發卒成周是歲晉公子重耳來

桓公妻之四十三年初齊桓公之夫人三曰王姬徐姬

蔡姬皆無子

索隱系本徐嬴姓禮婦人稱國及姓今此言徐姬者然姬是衆妾之總稱故漢祿秩

令云姬妾數百婦人亦總稱姬未必盡是姓

桓公好內

集解服虔曰多內寵

如夫人者六人長衛姬生無詭

索隱左氏作無虧

少衛姬生惠

公元鄭姬生孝公昭葛嬴生昭公潘密姬生懿公商人

宋華子

集解賈逵曰宋華氏之女子姓

生公子雍桓公與管仲屬孝公

於宋襄公以為太子雍巫有寵於衛共姬

集解賈逵曰雍巫雍人名

巫易牙字索隱賈逵以雍巫為易牙字未知何據按管子有棠巫恐與雍巫是一人也

因宦者豎

刁以厚獻於桓公亦有寵桓公許之立無詭

集解杜預曰易牙既

有寵於公為長衛姬請立

管仲卒五公子皆求立冬十月乙亥齊桓

公卒易牙入與豎刁因內寵殺羣吏

集解服虔曰內寵如夫人者六人羣

吏諸大夫也杜預曰內寵內官之有權寵者

而立公子無詭為君太子昭奔

宋桓公病五公子各樹黨爭立及桓公卒遂相攻以故

宮中空莫敢棺

正義音古患反

桓公尸在牀上六十七日尸蟲

出于戶十二月乙亥無詭立乃棺赴辛巳夜斂殯

集解徐廣

曰斂一作臨也桓公十有餘子要其後立者五人無詭立三月

死無謚次孝公次昭公次懿公次惠公孝公元年三月

宋襄公率諸侯兵送齊太子昭而伐齊齊人恐殺其君

無說齊人將立太子昭四公子之徒攻太子太子走宋

宋遂與齊人四公子戰五月宋敗齊四公子師而立太

子昭是為齊孝公宋以桓公與管仲屬之太子故來征

之以亂故八月乃葬齊桓公

集解皇覽曰桓公冢在臨菑城南七里所菑水南正

義括地志云齊桓公墓在臨菑縣南二十一里牛山上亦名鼎足山一名牛首壩一所二墳晉永嘉末人發之初得版次得水銀池有氣不得入經數日乃牽犬入中得金蠶數十薄珠襦玉匣繒綵軍器不可勝數又以人殉葬骸骨

六年春齊伐宋以其不同盟于齊也

集解服虔曰魯

僖公十九年諸侯盟于齊以無忘桓公之德宋襄公欲行霸道不與盟故伐之

夏宋襄公卒七

年晉文公立十年孝公卒孝公弟潘因衛公子開方殺

孝公子而立潘是為昭公昭公桓公子也其母曰葛嬴

昭公元年晉文公敗楚於城濮

正義賈逵云衛地也

而會諸侯踐

土朝周天子使晉稱伯

正義音霸

六年翟侵齊晉文公卒秦

兵敗於穀十二年秦穆公卒十九年五月昭公卒子舍
立為齊君舍之母無寵於昭公國人莫畏昭公之弟商
人以桓公死爭立而不得陰交賢士附愛百姓百姓說
及昭公卒子舍立孤弱即與衆十月即墓上弑齊君舍
而商人自立是為懿公懿公桓公子也其母曰密姬懿
公四年春初懿公為公子時與丙戎之父獫狁爭獲不勝
及即位斷丙戎父足而使丙戎僕

集解賈逵曰僕御也
索隱左氏作郕獸僕

正義左傳云乃掘而刖
之杜預云斷其尸足也

庸職之妻好公內之宮使庸職

驂乘

索隱左氏作閭職此言庸職不同者傳所云閭姓職名也此言庸職庸非姓蓋謂受雇職之妻史意

不同字亦異耳

五月懿公游於申池

集解杜預曰齊南城門名申門齊城無池惟此門左

右有池疑此是也左思齊都賦註曰申池海濱齊數也

二人浴戲職曰斷足子戎

曰奪妻者二人俱病此言乃怨謀與公游竹中二人弑

懿公車上棄竹中而亡去懿公之立驕民不附齊人廢

其子而迎公子元於衛立之是為惠公惠公桓公子也

其母衛女曰少衛姬避齊亂故在衛惠公二年長翟來

集解駟按穀梁傳曰身橫九畝斷其首而載之眉見於軾

王子城父攻殺之

集解賈逵曰王

子城父齊大夫埋之於北門晉趙穿弑其君靈公十年惠公卒

子頃公無野立

正義頃音傾

初崔杼有寵於惠公惠公卒高

國畏其偏也逐之崔杼奔衛頃公元年楚莊王彊伐陳

二年圍鄭鄭伯降已復國鄭伯六年春晉使卻克於齊

齊使夫人帷中而觀之卻克上夫人笑之卻克曰不是

報不復涉河歸請伐齊晉侯弗許齊使至晉卻克執齊

使者四人河內殺之八年晉伐齊齊以公子彊質晉晉

兵去十年春齊伐魯衛魯衛大夫如晉請師皆因卻克

索隱成二年左傳魯臧宣叔衛孫桓子如晉皆主於卻克是

晉使卻克以車八百乘

集解賈逵曰八百乘六萬人

為中軍將士燮將上軍欒書將下軍以

救魯衛伐齊六月壬申與齊侯兵合靡笄下

集解徐廣曰靡一作

摩賈逵曰靡笄山名也索隱靡如字靡笄山名在濟南與代地磨笄不同

癸酉陳于鞌

集解服虔

曰鞌齊地名也

逢丑父

集解賈逵曰齊大夫

為齊頃公右頃公曰馳之破

晉軍會食射傷卻克流血至履克欲還入壁其御曰我

始入再傷不敢言疾恐懼士卒願子忍之遂復戰戰齊

急丑父恐齊侯得乃易處頃公為右車絰於木而止

正義

絰胡卦反止也

晉小將韓厥伏齊侯車前曰寡君使臣救

魯衛戲之丑父使頃公下取飲

正義左傳云及華泉驂絰於木而止丑父使公

下如華泉取飲鄭周父御佐車宛棧為右載齊侯以免

因得亡脫去入其軍晉卻

克欲殺丑父丑父曰代君死而見倖後人臣無忠其君

者矣克舍之丑父遂得亡歸齊於是晉軍追齊至馬陵

集解徐廣曰一作陘駟案賈逵曰馬陘齊地也

齊侯請以寶器謝

集解駟案左傳曰賂以紀

羸玉磬也不聽必得笑克者蕭桐叔子

集解杜預曰桐叔蕭君之字齊侯外祖父

子女也難斥言其母故遠言之賈逵曰蕭附庸子姓

令齊東畝

集解服虔曰欲令齊隴畝東行索隱

塋畝東行則晉車馬東向齊行易也對曰叔子齊君母齊君母亦猶晉君

母子安置之且子以義伐而以暴為後其可乎於是乃

許令反魯衛之侵地

正義左傳云晉師及齊國使齊人歸我汶陽之田也

十一年

晉初置六卿賞鞏之功齊頃公朝晉欲尊王晉景公

索隱

王劭按張衡曰禮諸侯朝天子執玉既授而反之若諸侯自相朝則不授玉齊頃公戰敗朝晉而授玉是欲尊晉侯為王太史公採其言而書之此文不云授玉王氏之說復有所依聊記異耳

晉景公不敢

受乃歸歸而頃公弛苑囿薄賦斂振孤問疾虛積聚以

救民民亦大說厚禮諸侯竟頃公卒百姓附諸侯不犯

十七年頃公卒

集解駟案皇覽曰頃公冢近呂尚冢

子靈公環立靈公九

年晉欒書弑其君厲公十年晉悼公伐齊齊令公子光

質晉十九年立子光為太子高厚傳之令會諸侯盟於

鍾離

正義括地志云鍾離故城在沂州承縣界

二十七年晉使中行獻子伐

齊

索隱荀偃祖林父代為中行後改姓為中行氏獻子名偃

齊師敗靈公走入臨菑

晏嬰止靈公靈公弗從曰君亦無勇矣晉兵遂圍臨菑

臨菑城守不敢出晉焚郭中而去二十八年初靈公取

魯女生子光以為太子仲姬戎姬嬖仲姬生子牙

屬之戎姬戎姬請以為太子公許之仲姬曰不可光之

立列於諸侯矣

集解服虔曰數從諸侯征伐盟會

今無故廢之君必悔

之公曰在我耳遂東太子光

集解賈逵曰徙之東垂

使高厚傅牙

為太子靈公疾崔杼迎故太子光而立之是為莊公莊

公殺戎姬五月壬辰靈公卒莊公即位執太子牙於句

賁之丘殺之八月崔杼殺高厚晉聞齊亂伐齊至高唐

集解杜預曰高唐在祝阿縣西北

莊公三年晉大夫欒盈

集解徐廣曰史記多作逞

奔齊莊公厚客待之晏嬰田文子諫公弗聽四年齊莊

公使欒盈間入晉曲沃

集解賈逵曰欒盈之邑

為內應以兵隨之

上太行入孟門

集解賈逵曰孟門太行皆晉山隘也索隱孟門山在朝歌東北太行山在河內

溫縣西

欒盈敗齊兵還取朝歌

集解賈逵曰晉邑

六年初棠公妻

好

集解賈逵曰棠公齊棠邑大夫

棠公死崔杼取之莊公通之數如崔

氏以崔杼之冠賜人侍者曰不可崔杼怒因其伐晉欲

與晉合謀襲齊而不得間莊公嘗筮宦者賈舉賈舉復

侍為崔杼問公

集解服虔曰伺公間隙正義問音閑又如字

以報怨五月莒

子朝齊齊以甲戌饗之崔杼稱病不視事乙亥公問崔

杼病遂從崔杼妻崔杼妻入室與崔杼自閉戶不出公

擁柱而歌

集解服虔曰公以為姜氏不知已在外故歌以命之也一日公自知見欺恐不得出故歌

悔以自宦者賈舉遮公從官而入閉門崔杼之徒持兵從

中起公登臺而請解不許請盟不許請自殺於廟不許

皆曰君之臣杼疾病不能聽命

集解服虔曰言不能親聽公命

近於公

宮

集解服虔曰崔杼之宮近公宮淫者或詐稱公

陪臣爭趣

集解徐廣曰爭一作扞索隱左傳作

扞極此為爭趣者是太史公變左傳之文言陪臣但爭趣投有淫者耳更不知他命也

有淫者不

知二命

集解杜預曰言得淫人受崔子命討之不知他命也

公踰牆射中公股公

反墜遂弑之晏嬰立崔杼門外

集解賈逵曰聞難而來

曰君為社

稷死則死之為社稷亡則亡之

集解服虔曰謂以公義為社稷死亡也如是者

臣亦隨之死亡若為已死已亡非其私暱誰敢任之

集解服虔曰言君自

以已之私欲取死亡之禍則私近之臣所當任也門解杜預曰私暱所親愛也非所親愛無為當其禍也

開而入枕公尸而哭三踊而出人謂崔杼必殺之崔杼

曰民之望也舍之得民

集解服虔曰置之所以得人心

丁丑崔杼立莊

公異母弟杵臼

集解徐廣曰史記多作著臼

是為景公景公母魯叔

孫宣伯女也景公立以崔杼為右相慶封為左相二相

恐亂起乃與國人盟曰不與崔慶者死晏子仰天曰嬰
所不獲唯忠於君利社稷者是從不肯盟慶封欲殺晏
子崔杼曰忠臣也舍之齊太史書曰崔杼弑莊公崔杼
殺之其弟復書崔杼復殺之少弟復書崔杼乃舍之景
公元年初崔杼生子成及彊其母死取東郭女生明東
郭女使其前夫子無咎與其弟偃正義杜預云東郭相
偃東郭姜之弟也
崔氏成有罪正義左傳云成有疾而
廢之杜預云有惡疾也二相急治之立明
為太子成請老於崔杼崔杼許之二相弗聽曰崔宗邑

不可

集解杜預曰濟南東朔陽縣西北有崔氏城也

成彊怒告慶封

正義左傳成彊告慶

封曰夫子身亦子所知也唯無咎與偃是從父兄莫得進矣恐害夫子故以告慶封曰苟利夫子必去之難吾

助汝乃殺東郭偃棠無咎於崔氏朝也其妻及崔杼皆縊死崔明奔魯

慶封與崔杼有郤

欲其敗也成彊殺無咎偃於崔杼家家皆奔亡崔杼怒

無人使一宦者御見慶封慶封曰請為子誅之使崔杼

仇盧蒲癸

集解賈逵曰癸齊大夫慶封之屬

攻崔氏殺成彊盡滅崔氏

崔氏婦自殺崔杼無歸亦自殺慶封為相國專權三年

十月慶封出獵初慶封已殺崔杼益驕嗜酒好獵不聽

政令慶舍用政

集解服虔曰舍慶封之子也生傳其職政與子

已有內郤田文

子謂桓子曰亂將作田鮑高欒氏相與謀慶氏慶舍發甲圍慶封宮四家徒共擊破之慶封還不得入奔魯齊人讓魯封奔吳吳與之朱方聚其族而居之富於在齊其秋齊人徙葬莊公僂崔杼尸於市以說衆九年景公使晏嬰之晉與叔向私語曰齊政卒歸田氏田氏雖無大德以公權私有德於民民愛之十二年景公如晉見平公欲與伐燕十八年公復如晉見昭公二十六年獵

魯郊因入魯與晏嬰俱問魯禮三十一年魯昭公辟季

氏難奔齊齊欲以千社封之

集解賈逵曰二十五家為一社千社二萬五千家也

子家止昭公昭公乃請齊伐魯取鄆

正義鄆正義鄆鄆城也

以居昭公

三十二年彗星見景公坐栢寢嘆曰堂堂誰有此乎

集解

服虔曰景公自恐德薄不能久享齊國故曰誰有此也

羣臣皆泣晏子笑公怒晏

子曰臣笑羣臣諛甚景公曰彗星出東北當齊分野寡

人以為憂晏子曰君高臺深池賦斂如弗得刑罰恐弗

勝彗星將出彗星

正義彗音佩謂客星侵近邊側欲相害又曰彗息歲反若帚形見其境有

亂也何懼乎公曰可禳否晏子曰使神可祝而來

正義祝音章受

反

亦可禳而去也百姓苦怨以萬數而君令一人禳之

安能勝衆口乎是時景公好治宮室聚狗馬奢侈厚賦

重刑故晏子以此諫之四十二年吳王闔閭伐楚入郢

四十七年魯陽虎攻其君不勝奔齊請齊伐魯鮑子諫

景公乃囚陽虎陽虎得亡奔晉四十八年與魯定公好

會夾谷

集解服虔曰東海祝其縣是也

犂鉏曰孔丘知禮而怯請令萊

人為樂

集解杜預曰萊人齊所滅萊夷索隱鉏音即餘反即犂彌也

因執魯君可得

志景公害孔丘相魯懼其霸故從犂鉏之計方會進萊
樂孔子歷階上使有司執萊人斬之以禮讓景公景公
慙乃歸魯侵地以謝而罷去是歲晏嬰卒五十五年范
中行反其君於晉晉攻之急來請粟田乞欲為亂樹黨
於逆臣說景公曰范中行數有德於齊不可不救乃使
乞救而輸之粟五十八年夏景公夫人燕姬適子死景
公寵妾芮姬生子荼索隱左傳云鬻如之子荼嬖則荼母姓如此作芮姬不同也譙周依
左氏作鬻如鄒誕生本荼少其母賤無行諸大夫恐其
作芮姁姁音五句反

為嗣乃言願擇諸子長賢者為太子景公老惡言嗣事

又愛荼母欲立之憚發之口乃謂諸大夫曰為樂耳國

何患無君乎秋景公病命國惠子高昭子

集解杜預曰惠子國夏也

昭子高張也

立少子荼為太子逐羣公子遷之萊

集解服虔曰萊齊東

鄙邑景公卒

集解駰案皇覽曰景公冢與桓公冢同處

太子荼立是為晏孺子

冬未葬而羣公子畏誅皆出亡荼諸異母兄公子壽駒

黔奔衛

集解徐廣曰一云壽黔奔衛索隱壽一作嘉三人奔衛正義三公子

公子駒陽生

奔魯

索隱左氏作公子鉏二人奔魯

萊人歌之曰景公死乎弗與埋三

軍事平弗與謀

集解服虔曰萊人見五公子遠遷邲邑不得與景公葬埋之事及國三軍之謀

故慙而歌杜預曰稱謚蓋葬後而為此歌哀羣公子失所也

師乎師乎胡黨之乎

集解

服虔曰師衆也黨所也言公子徒衆何所適也

晏孺子元年春田乞偽事高國

者每朝乞驂乘言曰子得君大夫皆自危欲謀作亂又

謂諸大夫曰高昭子可畏及未發先之大夫從之六月

田乞鮑牧乃與大夫以兵入公宮攻高昭子昭子聞之

與國惠子救公公師敗田乞之徒追之國惠子奔莒遂

反殺高昭子晏圉奔魯

集解賈逵曰晏嬰之子

八月齊秉意茲

集解

徐廣曰左傳八月齊郕意茲奔魯

田乞敗二相乃使人之魯召公子陽

生陽生至齊私匿田乞家十月戊子田乞請諸大夫曰

常之母有魚菽之祭

集解何休曰齊俗婦人首祭事言魚豆者示薄陋無所有也

幸

來會飲會飲田乞盛陽生橐中置坐中央發橐出陽生

曰此乃齊君矣大夫皆伏謁將與大夫盟而立之鮑牧

醉乞誣大夫曰吾與鮑牧謀共立陽生鮑牧怒曰子忘

景公之命乎諸大夫相視欲悔陽生前頓首曰可則立

之否則已鮑牧恐禍起乃復曰皆景公子也何為不可

乃與盟立陽生是為悼公悼公入宮使人遷晏孺子於

駘

集解賈逵曰齊邑

殺之幕下而逐孺子母芮子芮子故賤而

孺子少故無權國人輕之悼公元年齊伐魯取謹闡

集解

杜預曰闡在東平剛縣北索隱二邑名謹在博城縣

初陽生亡在魯季康子以其

妹妻之及歸即位使迎之季姬與季魴侯通

集解杜預曰魴侯康

子叔父也

言其情魯弗敢與故齊伐魯竟迎季姬季姬嬖齊

復歸魯侵地鮑子與悼公有郤不善四年吳魯伐齊南

方鮑子弑悼公赴于吳吳王夫差哭於軍門外三日將

從海入討齊齊人敗之吳師乃去晉趙鞅伐齊至賴而

去

集解服虔曰賴齊邑

齊人共立悼公子壬是為簡公

集解徐廣曰年表云

簡公壬者景公之子也

簡公四年春初簡公與父陽生俱在魯也

監止有寵焉

集解賈逵曰闕止子我也索隱左氏監作闕音苦濫反闕在東平須昌縣東南

及

即位使為政田成子憚之驟顧於朝

集解杜預曰心不安故數顧也

御

鞅言簡公

集解賈逵曰鞅齊大夫也索隱鞅名為僕御之官故曰御鞅亦田氏之族按系本陳桓子

元宇產子疊疊產子獻獻產鞅也

曰田闕不可並也君其擇焉

集解杜預曰擇

用一弗聽子我夕

集解服虔曰夕省事田逆殺人逢之

集解服虔曰子我將

往夕省事於君而逢逆之殺遂捕以入集解杜預曰執人也杜預曰逆子行陳氏宗遂捕以入逆入至於朝也

田氏方睦

集解服虔曰陳常方欲謀有齊國故和其宗族

使囚病而遺守囚者

酒

集解服虔曰使陳逆詐病而遺也

醉而殺守者得亡子我盟諸田於

陳宗

集解服虔曰子我見陳逆得生出而恐為陳氏所怨故與盟而請和也陳宗宗長之家

初田

豹欲為子我臣

集解賈逵曰使公孫言豹

集解賈逵曰公孫齊大夫

也杜預曰言介達之意

豹有喪而止後卒以為臣

集解杜預曰終喪也

幸於

子我子我謂曰吾盡逐田氏而立女可乎對曰我遠田

氏矣

集解服虔曰言我與陳氏宗疎遠也

且其遠者不過數人

集解服虔曰遠者不

從子何盡逐焉遂告田氏子行曰彼得君弗先必禍子

集解服虔曰彼謂闕止也子謂陳常也

子行舍於公宮

集解服虔曰止於公宮為陳氏作內

也問夏五月壬申成子兄弟四乘如公

集解服虔曰成子兄弟八人二人共

一乘故曰四乘索隱系本陳僖子乞產成子常簡子齒宣子其夷穆子安廩丘子尚璽茲子芒盈惠子得凡七

人杜預又取昭子莊以克八人之數按系本昭子是桓子之子成子之叔父又不名莊彊相證會言四乘有八

人耳今按田完系家云田常兄弟四人如公宮與此事同今此唯稱四乘不云人數知四乘謂弟兄四人乘車

而入非二人共乘也然其昆弟三人不見者益時或不

之數服虔杜

予我在幄

集解杜預曰幄帳也聽政之處也

出迎之遂入

閉門集解服虔曰成子兄弟見子我出宦者禦之集解服虔

曰閹豎以子行殺宦者集解服虔曰舍於公宮故得殺之公與婦人飲

酒于檀臺集解服虔曰當陳氏入時飲酒於此臺成子遷諸寢集解服虔曰欲徙公

令居公執戈將擊之集解杜預曰疑其作亂也大史子餘集解服虔曰齊大夫

曰非不利也將除害也集解杜預曰言將為公除害也成子出舍于庫

集解杜預曰以公怒故也聞公猶怒將出集解服虔曰出奔也曰何所無君子

行拔劍曰需事之賊也集解杜預曰言需疑則害事誰非田宗集解杜預

曰言陳氏所不殺子者有如田宗集解杜預曰言子若欲出我必殺子明如

陳宗

乃止子我歸屬徒

集解服虔曰會徒衆

攻闢與大門

集解服虔曰宮中之

門曰闢大門公門也

皆弗勝乃出田氏追之豐丘人執子我以告

集解賈逵曰豐丘陳氏邑也

殺之郭闕

集解服虔曰齊闕名

成子將殺大陸子

方

集解服虔曰子方子我之黨大夫東郭賈也

田逆請而免之以公命取車

於道

集解杜預曰子方取道中行人車

出雍門

集解杜預曰齊城門

田豹與之車

弗受曰逆為余請豹與余車余有私焉事子我而有私

於其讎何以見魯衛之士

集解服虔曰子方將欲奔魯衛也左傳曰東郭賈奔衛

庚辰田常執簡公于徐州

集解春秋作舒州賈逵曰陳氏邑也索隱徐音舒其字從

人左氏作舒舒陳氏邑
說文作郟郟在薛縣也

公曰余蚤從御鞅言不及此甲

午田常弑簡公于徐州田常乃立簡公弟驁是為平公

索隱系本及燕
周皆作敬誤也

平公即位田常相之專齊之政割齊安

平以東為田氏封邑

集解徐廣曰年表云平公之時齊
自是稱田氏索隱曰安平齊邑地

理志云涿郡
有安平縣

平公八年越滅吳二十五年卒子宣公積

立宣公五十一年卒子康公貸立田會反廩丘

索隱田
會齊大

夫廩丘名東郡
有廩丘縣也

康公二年韓魏趙始列為諸侯十九年

田常曾孫田和始為諸侯遷康公海濱二十六年康公

卒呂氏遂絕其祀田氏卒有齊國為齊威王彊於天下
太史公曰吾適齊自泰山屬之琅邪北被于海膏壤二
千里其民闊達多匿知其天性也太公之聖建國本
桓公之盛修善政以為諸侯會盟稱伯不亦宜乎洋洋
哉固大國之風也

索隱述贊曰太公佐周實秉陰謀既表東海乃居營
丘小白致霸九合諸侯及溺內寵壘鍾蟲流莊公失
德崔杼作仇陳氏傳政厚貨輕收悼簡
遭禍田闕非倚風風餘烈一變何由

史記卷三十二

史記卷三十二考證

齊太公世家虞夏之際封于呂集解徐廣曰呂在南陽

宛縣西○

臣召南

按路史國名紀曰呂侯爵伯夷之

封杜預謂在南陽宛西南陽今隸鄧宛後周併入南陽而太公乃出東呂呂莒也博物志曲海城有東呂鄉東呂里太公望所出也與徐廣說異

以漁釣奸周西伯正義凡谷○凡一本作几又正義此條訛脫殊甚今俱考原文改正

獻公元年盡逐胡公子因徙薄姑都治臨菑○

臣照

按

毛詩疏曰古者諸侯之居逼隘則王者遷其邑而定其居時齊居逼隘故王使仲山甫往城而定之也既言所定不知定在何處故毛傳云蓋去薄姑而遷於臨菑也毛時書籍猶多去聖未遠雖言蓋為疑辭其當有所依約而言也史記云獻公徙薄姑都治臨菑計獻公當夷王之時與此傳不合毛公在馬遷之前其言當有準據

反而鞭主屨者第三百○

臣照

按左傳作誅屨於徒人

費誅責也言責失屨之罪于徒人費也此以為主屨與傳異

曹沫以匕首劫桓公于壇上○習學記言曰遷言曹沫以匕首劫齊桓公遂與沫三敗所亡地此事公羊先見按左氏魯莊公九年納糾敗于乾時幾獲十年有長勺之勝劇實主之齊猶未已與宋次乘丘公子偃敗宋師齊乃還十三年北杏之會齊將稱霸其冬魯

乃會盟于柯是三戰而再勝未嘗失地三年不交兵
何用要劫二十三年曹劌復諫觀社詳其前後詞語
豈操匕首于壇坫之間者耶

諸侯會桓公於甄○年表作鄆

臣世駿

按經典釋文甄

音絹一音真或音旃又舉然反或作鄆

蔡潰集解民逃其上○上監本訛作土今改正

六年翟侵齊晉文公卒○左傳晉文公卒于齊昭公之
五年在翟伐齊之前此作六年

十九年五月昭公卒○年表作二十年

即與衆十月即墓上弑齊君舍○按春秋經作九月左傳云以七月乙卯夜杜注云書九月從告此云十月疑十為七字之誤

懿公桓公子也其母曰密姬○董份曰按上既曰某姬生某公矣則此復曰其母曰某姬恐衍

懿公游于申池集解曰杜預曰齊南城門名申門齊城無池惟此門左右有池疑此是也左思齊都賦注曰

申池海濱齊藪也○

臣照

按襄十八年左傳晉侯伐

齊已亥焚雍門及西郭南郭劉難士弱率諸侯之師
焚申池之竹木申池與西郭南郭近則杜預所謂申
門之池者是矣杜預原注稱齊南城西門名申門裴
駰刪去西字耳

六年春晉使卻克於齊○左傳及年表卻克使齊在頃
公七年為魯宣之十七年

卻克執齊使者四人河內殺之○左傳齊侯使高固晏

弱蔡朝南郭偃會及斂孟高固逃歸晉人執晏弱于
野王執蔡朝于原執南郭偃于溫苗賁皇言于晉侯
晉人緩之逸此云殺之與傳異

十年春齊伐魯衛○

臣照

按左傳成公二年春齊侯伐

我北鄙衛侯使孫良夫石稷甯相向禽將侵齊是齊
伐魯非伐衛也

皆因郤克索隱衛孫桓子○桓監本訛作相今改正
仲姬戎姬○此句上應有脫字

崔杼迎故太子光而立之是為莊公。○徐孚遠曰前言崔杼奔衛不言其歸國又杼非命卿何以得專冊立皆闕文

八月崔杼殺高厚晉聞齊亂伐齊至高唐。

臣照

按左

傳莊公即位執公子牙于句瀆之丘以夙沙衛異已衛奔高唐以叛晉士臼侵齊及穀聞喪而還此皆在崔杼殺高厚前為五月事馬遷并二事為一又有晉伐至高唐之文皆與傳異

成請老子崔杼○

臣照

按左傳成請老於崔杜預注濟

南東朝陽縣西北有崔氏城成欲居崔邑以終老此
作崔杼明衍杼字

悼公元年齊伐魯取謹闡○左傳及十二諸侯年表齊
取謹闡在悼公二年

吳師乃去晉○監本誤作吳帥齊去晉今改正

齊人共立悼公子壬是為簡公集解徐廣曰年表云簡
公壬者景公之子也○年表云鮑子殺悼公齊人立

其子壬為簡公無景公之子語

子宣公積立。○積年表作就匝

史記卷三十二考證

謹案卷三十一第四頁前八行後一行馬陵之會
刊本馬訛鄔據春秋傳改

第十二頁前六行楚子麇卒刊本麇訛麇據春秋
改

第十四頁前三行鐘離屬九江刊本九江訛江南
據漢地志改

第二十頁前三行妘姓國刊本妘訛猗據集解云
夏同姓國改

第二十三頁後六行左氏魯襄之代刊本代訛伐
今改

卷三十二第六頁前五行年表及系本並作贖刊
本年表訛系家據索隱本改

第二十八頁前四行監止有寵焉刊本監訛闕據
毛本索隱及田完世家改

第二十九頁前五行昭子是桓子之子刊本桓子
訛桓公今改

考證第四頁前六行是齊伐魯非伐衛也刊本齊
下脫伐字今增



總校官庶吉士
校對官檢討
臣王鍾健
騰錄貢生
臣張賦京

總校官庶吉士

臣

侍

朝

校對官檢討

臣

王鍾健

騰錄貢生

臣

張賦京

欽定四庫全書薈要

史部

史記卷三十

五

詳校官主事銜臣徐以坤



欽定四庫全書薈要卷三千六百十一

史部

史記卷三十三

漢 太 史 令司馬遷 撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

魯周公世家第三

周公旦者周武王弟也

集解譙周曰以太王所居周地為其采邑故謂周公索隱周地

名在岐山之陽本太王所居後以為周公之采邑故曰
周公即今之扶風雍東北故周城也諡曰周文公見國
語

自文王在時旦為子孝篤仁異於羣子

索隱鄒誕生本孝作敬

及武王即位旦常輔翼武王用事居多武王九年東伐

至盟津周公輔行十一年伐紂至牧野

正義衛州即牧野之地東北去

朝歌七十三里

周公佐武王作牧誓破殷入商宮已殺紂周公

把大鉞召公把小鉞以夾武王釁社告紂之罪于天及

殷民釋箕子之囚封紂子武庚祿父使管叔蔡叔傅之

以續殷祀偏封功臣同姓戚者封周公旦於少昊之虛

曲阜

正義括地志云兗州曲阜縣外城即魯公伯禽所築也

是為魯公周公不就

封留佐武王武王克殷二年天下未集武王有疾不豫

羣臣懼太公召公乃繆卜

集解徐廣曰古書穆字多作繆

周公曰未可

以戚我先王

集解孔安國曰戚近也未可以死近先王也鄭玄曰二公欲就文王廟卜戚憂也未

可憂怖我先王也

周公於是乃自以為質設三壇周公北面立

戴璧秉圭

集解孔安國曰璧以禮神圭以為贊

告於太王王季文王

集解孔安

國曰告謂祝辭

史策祝

集解孔安國曰史為策書祝詞也鄭玄曰策周公所作謂簡書也祝者讀此簡

書以告

曰惟爾元孫王發勤勞阻疾

集解徐廣曰阻作淹

若爾三

三王

王是有負子之責於天以旦代王發之身

集解孔安國曰太子之責

謂疾不可救也不可救于天則當以旦代之死生有命

不可請代聖人叙臣子之心以垂世教索隱尚書負為

丕今此為負者謂三王負上天之

責故我當代之鄭玄曰丕讀曰負

旦巧能多材多藝能

事鬼神

集解孔安國曰言可以代武王之意

乃王發不如旦多材多藝不

能事鬼神乃命于帝庭敷佑四方

集解馬融曰武王受命于天帝之庭布其

道以佑助四方

用能定汝子孫于下地四方之民罔不敬畏

集解

孔安國曰言武王用受命帝庭之故能定先人子孫於天下四方之民無不敬畏也

無墜天之降

葆命我先王亦永有所依歸

集解孔安國曰言不救則墜天寶命也救之則先王

長有所依歸矣鄭玄曰降下也寶猶主也
有所依歸為宗廟之主也正義隆直類反
今我其即命

於元龜

集解孔安國曰就受三王之命於元龜
卜知吉凶者也馬融曰元龜大龜也

爾之許

我我其以璧與圭歸以俟爾命

集解孔安國曰許謂疾
瘳待命當以事神也馬

融曰待汝命武王
當愈我當死也

爾不許我我乃屏璧與圭

集解孔安
國曰不許

不愈也屏藏
言不得事神

周公已令史策告大王王季文王欲代武

王發於是乃即三王而卜卜人皆曰吉發書視之信吉

集解孔安國
曰占兆書也

周公喜開籒乃見書遇吉

集解王肅曰籒
藏占兆書管也

周公入賀武王曰王其無害旦新受命三王維長終是

圖

集解孔安國曰我新受三王命武王維長終是謀周之道茲道能念予一人集解馬融

曰一人天子也周公藏其策金縢匱中集解孔安國曰

鄭玄曰茲此也以金不欲

人聞也誠守者勿敢言明日武王有瘳其後武王既

崩成王少在強葆之中索隱強葆即襁褓古字少假借

約小兒於背而負周公恐天下聞武王崩而畔周公乃

行葆小兒被也踐阼代成王攝行政當國管叔及其羣弟流言於國曰

周公將不利於成王集解孔安國曰放言於國周公乃

以誣周公以惑成王也告太公望召公奭曰我之所以弗辟正義而攝行政者

音避

恐天下畔周無以告我先王太王王季文王三王之憂
勞天下久矣於今而后成武王蚤終成王少將以成周
我所以為之若此於是卒相成王而使其子伯禽代就
封於魯周公戒伯禽曰我文王之子武王之弟成王之
叔父我於天下亦不賤矣然我一沐三握髮一飯三吐
哺起以待士猶恐失天下之賢人子之魯慎無以國驕
人管蔡武庚等果率淮夷而反周公乃奉成王命興師
東伐作大誥遂誅管叔殺武庚放蔡叔收殷餘民以封

康叔於衛封微子於宋以奉殷祀寧淮夷東土二年而

畢定諸侯咸服宗周天降祉福唐叔得禾異母同穎

集解

徐廣曰一作穗穎即穗也索隱尚書母作畝此為母義並通

獻之成王成王命唐叔

以餽周公於東土作餽禾周公既受命禾嘉天子命

集解

徐廣曰嘉一作魯今書序作旅也索隱魯字誤史意云周公嘉天子命於文不必作魯

作嘉禾東

土以集周公歸報成王乃為詩貽王命之曰鴟鵂

集解駢案

毛詩序曰成王未知周公之志公乃為詩以遺王名之曰鴟鵂毛傳曰鴟鵂鷩鷩也王亦未敢訓

周公

集解徐廣曰訓一作誚索隱尚書作誚誚讓也此作訓字誤耳義無所通徐氏合定其本何須云一

作誦也

成王七年二月乙未王朝步自周至豐

集解馬融曰周鎬京

也豐文王廟所在朝者舉事上朝將即土中易都大事故告文王武王廟鄭玄曰步行也堂下謂之步豐鎬異邑而言步者告武王廟即行出廟入廟不以為遠為父恭也索隱豐文王所作邑後武王都鎬於豐立文王廟按豐在鄠縣東臨豐水東去鎬二十五里也

使太保召公先之雒相土

集解鄭玄

曰相視也

其三月周公往營成周雒邑

集解駰案公羊傳曰成周者何東周也何

休曰名為成周者周道始成王所都也

卜居焉曰吉遂國之成王長能聽

政於是周公乃還政於成王成王臨朝周公之代成王

治南面倍依以朝諸侯

集解駰案禮記曰周公朝諸侯于明堂之位天子負斧依南向

而立鄭玄曰周公攝王位以明堂之禮儀朝諸侯也不
於宗廟避王也天子周公也負之為言倍也斧依為斧
文屏風於戶牖之間周公於前立也及七年後還政成王北面就臣位躬

躬如畏然

集解徐廣曰躬躬謹敬貌也見三蒼音窮窮一本作蔓蔓也

初成王少時

病周公乃自揃其蚤沈之河以祝於神曰王少未有識
奸神命者乃旦也亦藏其策於府成王病有瘳及成王

用事人或譖周公周公奔楚

索隱經典無文其事或別有所出而譙周云秦既燔

書時人欲言金縢之事失其本末乃云成王少時病周
公禱河欲代王死藏祝策於府成王用事人譏周公周
公奔楚成王發府見策乃迎周

成王發府見周公禱書

公又與蒙恬傳同事或然也

乃泣反周公周公歸恐成王壯治有所淫佚乃作多士

作毋逸毋逸稱為人父母為業至長久子孫驕奢忘之

以亡其家為人子可不慎乎故昔在殷王中宗嚴恭敬

畏天命自度

集解孔安國曰用法度也

治民震懼不敢荒寧

集解馬融曰知

民之勞苦不敢荒廢自安也

故中宗饗國七十五年其在高宗

正義武丁

也久勞于外為與小人

集解孔安國曰父小乙使之久居人間勞是稼穡與小人出入

同事也馬融曰武丁為太子時其父小乙使行役有所勞役於外與小人從事知小人艱難勞苦也鄭玄曰為

父小乙將師役於外也

作其即位乃有亮闇三年不言

集解孔安國曰武丁

起其即王位則小乙死乃有信嚱三年不言

言乃謹

集解

鄭玄曰謹喜悅也言乃喜悅則臣民望其言久矣

不敢荒寧密靖殷國

集解馬融曰寧

安也至于小大無怨

集解孔安國曰小大之政民無怨者言無非也

故高宗饗國

五十五年

集解駟案尚書云五十九年

其在祖甲

集解孔安國曰王肅云祖甲湯孫太

甲也馬融曰鄭玄曰祖甲武丁子帝甲也索隱按紀年太甲唯得十二年此云祖甲享國三十三年知祖甲是

帝甲明矣不義惟王久為小人

集解孔安國曰為王不義久為小人之行伊尹放之桐宮

馬融曰祖甲有兄祖庚而祖甲賢武丁欲立之祖甲以王廢長立少不義逃亡民間故曰不義惟王久為小人

也武丁死祖庚立祖庚死祖甲立

于外知小人之依能保施小民不侮

鰥寡

集解孔安國曰小人之所依依仁政也故能安順於衆民不敢侮慢惇獨也

故祖甲饗

國三十三年

集解王肅曰先中宗後祖甲先盛德後有過也

多士稱曰自湯至

于帝乙無不率祀明德帝無不配天者

集解孔安國曰無敢失天道者

故無不配天也

在今後嗣王紂誕淫厥佚不顧天及民之從也

集解徐廣曰一作敬之也駟案馬融曰紂大淫樂其逸無所能顧念於天施顯道於民而敬之也

其民

皆可誅周多士文王日中昃不暇食饗國五十年作此

以誠成王成王在豐天下已安周之官政未次序於是

周公作周官官別其宜作立政

集解孔安國曰周公既致政成王恐其怠忽故

以君臣立
政為戒也

以便百姓百姓說周公在豐病將沒曰必葬

我成周

集解徐廣曰衛世家云管叔欲襲成周然則或說尚書者不以成周為洛陽乎諸侯年表叙曰

齊晉楚秦其在成周微之甚也

以明吾不敢離成王周公既卒成王亦

讓葬周公於畢

正義括地志周公墓在雍州咸陽北十三里畢原上

從文王以明

予小子不敢臣周公也周公卒後秋未獲暴風雷雨未

盡偃大木盡拔周國大恐成王與大夫朝服以開金縢

書

索隱尚書武王崩後有此雷風之異今此言周公卒後更有暴風之變始開金縢之書此不然也蓋由史

遷不見古文尚書故謬爾

王乃得周公所自以為功代武王之說

集解

徐廣曰一作簡牘案孔安國曰所藏請命策書本也

二公及王乃問史百執事

集解

孔安國曰二公倡王啟之故先見書也史百執事皆從周公請命者鄭玄曰問者問審然否也

史百執

事曰信有昔周公命我勿敢言成王執書以泣

集解鄭玄曰泣

者傷周公忠孝如是而無知之者

曰自今後其無繆卜乎

集解孔安國曰本欲敬卜

吉凶今天意可知故止

昔周公勤勞王家惟予幼人弗及知今天

動威以彰周公之德惟朕小子其迎我國家禮亦宜之

集解王肅曰亦宜褒有德也正義孔安國云周公以成王未寤故留東未還成王改過自新遣使者迎之亦國家禮有德之宜也王孔二說非也按言成王以開金縢之書知天風雷以彰周公之德故成王亦設郊天之禮

以迎我國家先祖配食之禮亦當
宜之故成王出郊天乃雨反風也
王出郊天乃雨反風

禾盡起

集解孔安國曰郊以玉幣謝天也天即反風起禾明郊之是也馬融曰反風風還反也

二

公命國人凡大木所偃盡起而築之

集解徐廣曰築拾也駟案馬融曰木

為木所偃者起其木拾其下木乃無所失亡也

歲則大熟於是成王乃命魯得

郊

集解駟案禮記曰魯君祀帝于郊配以后稷天子之禮

祭文王

集解駟案禮記曰諸侯不得祖

天子鄭玄曰魯以周公之故立文王之廟也

魯有天子禮樂者以褒周公之

德也周公卒子伯禽固已前受封是為魯公

索隱周公元子就封

於魯次子留相王室代為周公其餘食小國者六人凡蔣邢茅胙祭也

魯公伯禽之初受

封之魯三年而後報政周公周公曰何遲也伯禽曰變其俗革其禮喪三年然後除之故遲太公亦封於齊五月而報政周公周公曰何疾也曰吾簡其君臣禮從其俗為也及後聞伯禽報政遲乃歎曰嗚呼魯後世其北面事齊矣夫政不簡不易民不有近平易近民民必歸

之

集解徐廣曰一本云政不簡不行不行不樂不樂則不平易平易近民民必歸之又一本云夫民不簡不

易有近乎簡易民必歸之索隱言為政簡易者民必附近之近謂親近也

伯禽即位之後有

管蔡等反也淮夷徐戎亦並興反

集解孔安國曰淮浦之夷徐州之戎並起

為於是伯禽率師伐之於盼作盼誓

集解徐廣曰一作鮮一作獮駟案尚

書作柴孔安國曰魯東郊之地名也索隱尚書作柴誓

今尚書大傳作鮮誓鮮誓即盼誓古今字異義亦變也

鮮獮也言於盼地誓衆因行獮田之禮以取鮮獸而

祭故字或作鮮或作獮柴地名即魯卿季氏之費邑曰

陳爾甲冑無敢不善無敢傷牯

正義古毒反牯牛馬牢也令臣無傷其牢恐牛

馬逸馬牛其風臣妾逋逃

集解鄭玄曰風走逸臣妾廝役之屬也

勿敢越逐

敬

集解徐廣曰一作振

復之

集解孔安國曰勿敢奔越壘伍而求逐也衆人有得佚馬牛逃臣妾皆敬

還無敢寇攘踰牆垣

集解鄭玄曰寇劫取也因其失亡曰攘

魯人三郊三

隧

集解王肅曰邑外曰郊郊外曰隧不言四者東郊留守故言三也

峙爾芻茭糗糧楨

幹

集解孔安國曰皆當儲峙汝程使足食多積芻芻供軍牛馬馬融曰榘幹皆築具榘在前幹在兩傍正義

榘去九反

無敢不逮我甲戌築而征徐戎

集解孔安國曰甲戌日當

榘音真

築攻敵壘距堙之屬無敢不及有大刑

集解馬融曰大刑死刑

作此盼誓遂

平徐戎定魯魯公伯禽卒

集解徐廣曰皇甫謐云伯禽以成王元年封四十六年康

王十六年卒子考公酋立

索隱系本作就鄒本作適

考公四年卒立弟熙

是謂煬公

索隱熙一作怡

煬公築茅

集解徐廣曰一作第又作夷

闕門

集解駟案

世本曰煬公徙魯宋忠曰今魯國

六年卒子幽公宰立

索隱世本名圉

幽公十

四年幽公弟潰殺幽公而自立是為魏公

集解徐廣曰世本作微公

索隱系本潰作弗音沸魏作微且古書多用魏字作微則太史公意亦不殊

魏公五十年卒

子厲公擢立

索隱系本作崔音持角反

厲公三十七年卒魯人立其

弟具是為獻公獻公三十二年卒

集解徐廣曰劉歆云五十年皇甫謐云三

十六年子真公湟立

索隱真音慎本亦作慎公按衛亦有真侯可通也湟系本作摯或作瞿音

匹位反鄒誕本作慎公嘆也

真公十四年周厲王無道出奔彘共和

行政二十九年周宣王即位三十年真公卒弟敖立是

為武公武公九年春武公與長子括少子戲

正義許義反又音許

宜反後同

西朝周宣王宣王愛戲欲立戲為魯太子周之樊

仲山父諫宣王曰廢長立少不順不順必犯王命犯王

命必誅之故出令不可不順也令之不行政之不立

集解

韋昭曰令不行則政不立

行而不順民將弃上

集解韋昭曰使長事少故民將弃上

夫

下事上少事長所以為順今天子建諸侯立其少是教

民逆也

集解唐固曰言不教之順而教之逆

若魯從之諸侯效之王命將

有所壅

集解韋昭曰言先王立長之命將壅塞不行也

若弗從而誅之是自誅

王命也

集解韋昭曰先王之命立長今魯亦立長若誅之是自誅王命也

誅之亦失不

誅亦失

集解韋昭曰誅之誅王命不誅則王命廢

王其圖之宣王弗聽卒立

戲為魯太子夏武公歸而卒

集解徐廣曰劉歆云立二年

戲立是為

懿公懿公九年懿公兄括之子伯御與魯人攻弑懿公

而立伯御為君

正義伯我嫁反

伯御即位十一年周宣王伐魯

殺其君伯御而問魯公子能道順

集解徐廣曰順一作訓正義道音導順音

訓諸侯者以為魯後樊穆仲曰

集解韋昭曰穆仲仲山父之謚也猶魯叔孫穆

子謂之穆叔也

魯懿公弟稱

正義尺證反

肅恭明神敬事耆老賦事

行刑必問於遺訓而咨於固實

集解徐廣曰固一作故韋昭曰故實故事之是

者不干所問不犯所知宣王曰然能訓治其民矣乃立

稱於夷宮

集解韋昭曰夷宮者宣王祖父夷王之廟古者爵命必於祖廟

是為孝公自

是後諸侯多畔王命孝公二十五年諸侯畔周犬戎殺

幽王秦始皇列為諸侯二十七年孝公卒子弗湟立

集解徐廣

曰表云弗生也索隱系本作弗皇年表作孝公子弗生

是為惠公惠公三十年晉

人弑其君昭侯四十五年晉人又弑其君孝侯四十六

年惠公卒長庶子息攝當國行君事是為隱公

索隱隱公名息

系本名息姑

初惠公適夫人無子

正義適音的

公賤妾聲子生子

息息長為娶於宋宋女至而好惠公奪而自妻之

索隱左傳

宋武公生仲子手中有魯夫人文故歸魯生桓公今此云惠公奪息婦而自妻又經傳不言惠公無道左氏文亦分明不知太史公何據生子允集解徐廣曰一作軌而為此說譙周亦深不信索隱一作兀五忽反

登宋女為夫人以允為太子及惠公卒為允少故魯人

共令息攝政不言即位隱公五年觀漁於棠

集解賈逵曰棠魯地

陳漁而觀之杜預曰高平方與縣北有武棠亭魯侯觀漁臺也

八年與鄭易天子之太

山之邑祊及許田君子譏之

集解駟案穀梁傳曰祊者鄭伯之所受命於天子而

祭太山之邑也許田乃魯之朝宿之邑天子在上諸侯不得以地相與

十一年冬公子揮

諂謂隱公曰百姓便君君其遂立吾請為君殺子允君

以我為相

集解駟案左傳曰羽父請殺桓公將以求大宰也

隱公曰有先君命

吾為允少故攝代今允長矣吾方營菟裘之地而老焉

集解服虔曰菟裘魯邑也營菟裘以作宮室欲居之以終老也杜預曰菟裘在泰山梁父縣南以授子

允政揮懼子允聞而反誅之乃反譖隱公於子允曰隱

公欲遂立去子子其圖之請為子殺隱公子允許諾十

一月隱公祭鍾巫

集解賈逵曰鍾巫祭名也

齊于社圃

集解杜預曰社圃園名

館于為氏

集解服虔曰館舍也為氏魯大夫

揮使人弑隱公于為氏而

立子允為君是為桓公桓公元年鄭以璧易天子之許

田

集解麋信曰鄭以妨不足當許田故復加璧

二年以宋之賂鼎入於太廟

君子譏之

集解駟案穀梁傳曰桓公內殺其君外成人之亂受賂而退以事其祖非禮也公羊傳曰

周公廟曰太廟

三年使揮迎婦于齊為夫人六年夫人生子與

桓公同日故名曰同同長為太子十六年會于曹伐鄭

入厲公十八年春公將有行

集解杜預曰始議行事也

遂與夫人如

齊申繻諫止公

集解賈逵曰申繻魯大夫

公不聽遂如齊齊襄公通

桓公夫人公怒夫人以告齊侯夏四月丙子齊襄

公饗公

集解服虔曰為公設享讌之禮

公醉使公子彭生抱魯桓公因

命彭生搢其脅公死于車魯人告于齊曰寡君畏君之威不敢寧居來修好禮禮成而不反無所歸咎請得彭生以除醜於諸侯齊人殺彭生以說魯立太子同是為莊公莊公母夫人因留齊不敢歸魯莊公五年冬伐衛內衛惠公八年齊公子糾來奔九年魯欲內子糾於齊後桓公桓公發兵擊魯魯急殺子糾召忽死齊告魯生致管仲魯人施伯曰

正義世本云施伯魯惠公孫

齊欲得管仲非殺

之也將用之用之則為魯患不如殺以其屍與之

索隱屍亦

作死

莊公不聽遂囚管仲與齊齊人相管仲十三年魯

莊公與曹沫會齊桓公於柯曹沫劫齊桓公求魯侵地

已盟而釋桓公桓公欲背約管仲諫卒歸魯魯侵地十五

年齊桓公始霸二十三年莊公如齊觀社

集解韋昭曰齊因祀社蒐

軍實以示軍容公往觀之

三十三年初莊公築臺臨黨氏

集解賈逵曰黨氏魯

大夫

見孟女

集解賈逵曰黨氏之女索隱左傳云初公築臺臨黨氏見孟任從之閔杜預曰孟長

任字也

說而愛之許立為夫人割臂以盟

集解服虔曰割其臂以與

公孟女生子斑斑長說梁氏女

集解杜預曰梁氏魯大夫也

往觀圉

人榮自牆外與梁氏女戲

集解服虔曰園人掌養馬者榮其名也正義榮力角反

斑怒鞭榮莊公聞之曰榮有力焉遂殺之是未可鞭而置也斑未得殺會莊公有疾莊公有三弟長曰慶父次

曰叔牙次曰季友莊公取齊女為夫人曰哀姜哀姜無

子哀姜娣

正義音田反

曰叔姜生子開莊公無適嗣愛孟女

欲立其子斑莊公病而問嗣於弟叔牙叔牙曰一繼一

及魯之常也

集解何休曰父死子繼兄死弟及

慶父在可為嗣君何憂

莊公患叔牙欲立慶父退而問季友季友曰請以死立

斑也莊公曰曩者叔牙欲立慶父奈何季友以莊公命

命叔牙待於鍼巫氏

集解杜預曰鍼巫氏魯大夫也

使鍼季劫飲叔牙

以鵠

集解服虔曰鵠鳥一曰運日鳥

曰飲此則有後奉祀不然死且無

後牙遂飲鵠而死魯立其子為叔孫氏

集解杜預曰不以罪誅故得立

後世繼其祿也

八月癸亥莊公卒季友竟立子斑為君如莊公

命侍喪舍于黨氏

正義未至公宮止於舅氏

先時慶父與哀姜私通

欲立哀姜嫡子開及莊公卒而季友立斑十月己未慶

父使圉人犂殺魯公子斑於黨氏季友犇陳

集解服虔曰季友內

知慶父之情力不能
誅故避其難出奔

慶父竟立莊公子開是為湣公

索隱

系本名曰啟今此作開避漢
景帝諱耳春秋作閔公也

湣公二年慶父與哀姜通

益甚哀姜與慶父謀殺湣公而立慶父慶父使卜齋襲

殺湣公於武闔

集解賈逵曰卜齋魯大夫也宮中之
門謂之闔正義齋魚綺反闔音韋

季

友聞之自陳與湣公弟申如邾請魯求內之魯人欲誅

慶父慶父恐奔莒於是季友奉子申入立之是為釐公

索隱湣公之弟名曰申成季相之魯
國以理於是魯人為僖公作魯頌

釐公亦莊公少子

哀姜恐奔邾季友以賂如莒求慶父慶父歸使人殺慶

父慶父請奔弗聽乃使大夫奚斯行哭而往慶父聞奚

斯音乃自殺齊桓公聞哀姜與慶父亂以危魯乃召之

邾而殺之以其屍歸戮之魯魯釐公請而葬之季友母

陳女故亡在陳陳故佐送季友及子申季友之將生也

父魯桓公使人卜之曰男也其名曰友間于兩社為公

室輔

集解賈逵曰兩社周社亳社也兩社之間朝廷執政之臣所在

季氏亡則魯不昌

及生有文在掌曰友遂以名之號為成季其後為季氏

慶父後為孟氏也釐公元年以汶陽鄆封季友

集解賈逵曰汶

陽鄆魯二邑杜預曰汶陽汶水北地也汶水出泰山萊
蕪縣索隱鄆今作費同音祕按費在汶水之北則汶陽
非邑賈言二邑非也地理志東海費縣班固云魯季氏邑蓋尚書費誓即是其地

季友為相九

年晉里克殺其君奚齊卓子

集解徐廣曰卓一作悼

齊桓公率釐

公討晉亂至高梁而還

索隱晉地
在平陽縣

立晉惠公十九年齊

桓公卒二十四年晉文公即位三十三年釐公卒子興

立是為文公元年楚太子商臣弑其父成王代立

三年文公朝晉襄公十一年十月甲午魯敗翟于鹹

集解

服虔曰
魯地也

獲長翟喬如富父終甥春其喉以戈殺之

集解
服虔

曰富父終甥魯大夫也春猶衝

埋其首於子駒之門

集解賈逵曰子駒魯郭門名以

命宣伯

集解服虔曰宣伯叔孫得臣子喬如也得臣獲喬如以名其子使後世旌識其功

初宋

武公之世鄭瞞伐宋

集解服虔曰武公周平王時在春秋前二十五年鄭瞞長翟國名正

義鄭作瘦音所

司徒皇父帥師禦之以敗翟于長丘

集解

劉反瞞莫寒反

杜預曰

獲長翟緣斯

集解賈逵曰

晉之滅路

集解在魯宣公十五

宋地名

年

獲喬如弟棼如齊惠公二年鄭瞞伐齊齊王子城父

獲其弟榮如埋其首於北門

集解駟案年表齊惠公二年魯宣公之二年衛

人獲其季弟簡如

集解服虔曰獲與喬如同時

鄭瞞由是遂亡

集解杜預

曰長翟之種絕

十五年季文子使於晉十八年二月文公卒文

公有二妃長妃齊女哀姜

索隱此哀非諡蓋以哭而過市國人哀之謂之哀姜

生

子惡及視次妃敬嬴嬖愛生子倭

集解徐廣曰一作倭索隱音人唯反

倭

私事襄仲

集解服虔曰襄仲公子遂

襄仲欲立之叔仲曰不可

集解服虔

曰叔仲惠伯

襄仲請齊惠公惠公新立欲親魯許之冬十月

襄仲殺子惡及視而立倭是為宣公哀姜歸齊哭而過

市曰天乎襄仲為不道殺適立庶

正義適音的

市人皆哭魯

人謂之哀姜魯由此公室卑三桓彊

集解服虔曰三桓魯桓公之族仲孫

叔孫季孫

宣公倭十二年楚莊王彊圍鄭鄭伯降復國之十

八年宣公卒子成公黑肱

集解徐廣曰肱一作股

立是為成公季

文子曰使我殺適立庶失大援者襄仲

集解服虔曰援助也仲殺適立

庶國政無常鄰國非之是失大援助也杜預曰襄仲立宣公南通於楚既不固又不能堅事齊晉故云失大援

襄仲立宣公公孫歸父有寵

集解服虔曰歸父襄仲之子

宣公欲去

三桓與晉謀伐三桓會宣公卒季文子怨之歸父奔齊

成公二年春齊伐我取隆

集解駰案左傳作龍杜預曰魯邑在泰山博縣西南

夏

公與晉郤克敗齊頃公於鞏齊復歸我侵地四年成公

如晉晉景公不敬魯魯欲背晉合於楚或諫乃不十年

成公如晉晉景公卒因留成公送葬魯諱之

索隱經不書其葬唯

言公如晉是諱之

十五年始與吳王壽夢會鍾離

正義括地志云鍾離國故

城在濠州鍾離縣東五里

十六年宣伯告晉欲誅季文子

集解服虔曰宣伯叔

孫喬如

文子有義晉人弗許十八年成公卒子午立是為

襄公是時襄公三歲也襄公元年晉立悼公往年冬晉

欒書弑其君厲公四年襄公朝晉五年季文子卒家無

衣帛之妾廐無食粟之馬府無金玉以相三君

索隱宣成襄也

君子曰季文子廉忠矣九年與晉伐鄭晉悼公冠襄公

於衛

集解駟案左傳曰冠于成公之廟假鍾磬焉禮也

季武子從相行禮十一

年三桓氏分為三軍

集解韋昭曰周禮天子六軍諸侯大國三軍魯伯禽之封舊有三軍

其後削弱二軍而已季武子欲專公室故益中軍以為三軍三家各征其一索隱征謂起徒役也武子為三軍故一卿主一十二年朝晉十六年晉平公即位二十一

軍之征賦

年朝晉平公二十二年孔丘生

正義生在周靈王二十一年魯襄二十二年晉

年朝晉平公二十二年孔丘生

平七年吳諸樊十年

二十五年齊崔杼弑其君莊公立其弟景公

二十九年吳延陵季子使魯問周樂盡知其意魯人敬

焉三十一年六月襄公卒其九月太子卒

集解駟案左傳曰毀也索

隱左傳云胡女敬歸之子子野立三月卒

魯人立齊歸之子稠為君

集解徐廣曰稠

一作昭服虔曰胡歸姓之國也齊諡也索隱系本作稠徐廣作昭昭音紹也

是為昭公昭公

年十九猶有童心

集解服虔曰言無成人之志而有童子之心

穆叔不欲立

索隱魯大夫叔孫豹宣伯僑如之弟

曰太子死有母弟可立不即立長

集解

服虔曰無母弟則立庶子之長

年鈞擇賢義鈞則卜之

集解杜預曰先人事後卜筮義

鈞謂賢等

今稠非適嗣且又居喪意不在戚而有喜色若果

立必為季氏憂季武子弗聽卒立之比及葬三易衰

集解

杜預曰言其
嬉戲無度

君子曰是不終也昭公三年朝晉至河晉

平公謝還之魯恥焉四年楚靈王會諸侯於申昭公稱

病不往七年季武子卒八年楚靈王就章華臺召昭公

昭公往賀

集解駟案春秋云七年三月公如楚

賜昭公寶器已而悔復詐

取之

集解駟案左傳曰好以大屈服虔曰大屈寶金可
以為劍一曰大屈弓名魯連書曰楚子享魯侯于

章華與之大曲之弓既而悔之大屈殆所謂大曲之弓也

十二年朝晉至河晉平公

謝還之十三年楚公子棄疾弑其君靈王代立十五年

朝晉晉留之葬晉昭公魯恥之二十年齊景公與晏子

狩竟因入魯問禮

索隱齊系家亦然左傳無其事

二十一年朝晉至河

晉謝還之二十五年春鸛鵒來巢

集解駢案周禮曰鸛鵒不踰濟公羊傳曰

非中國之禽也宜穴而巢穀梁傳曰來者來中國也

師已曰文成之世童謠曰

集解

賈逵曰師已魯大夫也文成魯文公成公

鸛鵒來巢公在乾侯鸛鵒入處公

在外野季氏與郈氏

集解徐廣曰一本作厚世本亦然

鬪雞

集解杜預曰季平子

郈昭伯二家相近故鬪雞

季氏芥雞羽

集解服虔曰擣芥子播其雞羽可以空郈氏雞目杜預曰

或云以膠沙播之為芥雞

郈氏金距

集解服虔曰以金鎔距

季平子怒而侵郈

氏

集解服虔曰怒其不下已也侵郈氏之宮地以自益

郈昭伯亦怒平子

索隱系本昭伯

名惡魯孝公臧昭伯之弟會偽讒臧氏匿季氏

集解賈逵曰昭

伯臧孫賜也索隱系本臧會臧頃伯也

宣叔許之孫與昭伯賜為從父昆弟也臧昭伯囚季氏

人季平子怒囚臧氏老

集解服虔曰老臧氏家之大臣

臧邠氏以難告

昭公昭公九月戊戌伐季氏遂入平子登臺請曰君以

讒不察臣罪誅之請遷沂上弗許

集解杜預曰魯城南自有沂水平子欲出

城待罪也大沂水

出蓋縣南入泗水請囚於鄆弗許

集解服虔曰鄆季氏邑

請以五

乘亡弗許

集解服虔曰言五乘自省約以出

子家駒曰

索隱魯大夫仲孫氏之族名駒

謚懿伯

君其許之政自季氏久矣為徒者衆衆將合謀弗

聽邠氏曰必殺之叔孫氏之臣戾

集解駟案左傳曰駿戾

謂其衆

曰無季氏與有孰利皆曰無季氏是無叔孫氏戾曰然

救季氏遂敗公師孟懿子

集解賈逵曰懿子仲孫何忌

聞叔孫氏勝

亦殺邠昭伯邠昭伯為公使故孟氏得之三家共伐公

公遂奔己亥公至于齊齊景公曰請致千社待君子家

曰弃周公之業而臣於齊可乎乃止子家曰齊景公無

信不如早之晉弗從叔孫見公還見平子平子頓首初

欲迎昭公孟孫季孫後悔乃止二十六年春齊伐魯取

鄆

集解賈逵曰魯邑

而居昭公焉夏齊景公將內公令無受魯

賂申豐汝賈

集解賈逵曰申豐汝賈魯大夫

許齊臣高齕子將粟五千

庾

集解賈逵曰十六斗為庾五千庾八萬斗索隱一本子將上有貨字子將即梁丘據也齕音紇子將家臣

也左傳子將作子猶子將言於齊侯曰羣臣不能事魯君有異焉

集解服虔曰異猶恠也

宋元公為魯如晉求內之道卒

集解駰案春秋曰宋

公佐卒叔孫昭子求內其君無病而死

索隱昭子名不姒即穆叔子

知天弃魯乎抑魯君有罪于鬼神也願君且待齊景公

從之二十八年昭公如晉求入季平子私於晉六卿六

卿受季氏賂諫晉君晉君乃止居昭公乾侯

集解杜預曰乾侯在

魏郡斥丘縣晉境內邑

二十九年昭公如鄆齊景公使人賜昭公

書自謂主君

集解服虔曰大夫稱主比公於大夫故稱主君

昭公恥之怒而去

乾侯三十一年晉欲內昭公召季平子平子布衣跣行

集解王肅曰示憂戚

因六卿謝罪六卿為言曰晉欲內昭公衆不

從晉人止三十二年昭公卒於乾侯魯人共立昭公弟

宋為君是為定公定公立趙簡子問史墨

集解服虔曰史墨晉史蔡

墨

曰季氏亡乎史墨對曰不亡季友有大功於魯受鄆

為上卿至于文子武子世增其業魯文公卒東門遂

集解

服虔曰東門遂襄仲也居東門故稱東門遂索隱系本並作述鄒誕作林又系本遂產子家歸父及昭子子嬰

也殺適立庶魯君於是失國政政在季氏於今四君矣

民不知君何以得國是以為君慎器與名不可以假人

集解杜預曰器車服名爵號

定公五年季平子卒陽虎私怒囚季桓

子與盟乃捨之七年齊伐我取鄆以為魯陽虎邑以從

政八年陽虎欲盡殺三桓適而更立其所善庶子以代

之載季桓子將殺之桓子詐而得脫三桓共攻陽虎陽

虎居陽關

集解服虔曰陽關魯邑

九年魯伐陽虎陽虎奔齊已而

奔晉趙氏

正義左傳云仲尼曰趙氏其世有亂乎杜預云受亂人故

十年定公與齊

景公會於夾谷孔子行相事齊欲襲魯君孔子以禮歷

階誅齊淫樂齊侯懼乃止歸魯侵地而謝過十二年使

仲由毀三桓城

集解服虔曰仲由子路

收其甲兵孟氏不肯墮城

集解杜預曰墮毀

伐之不克而止季桓子受齊女樂孔子去

集解

孔安國曰桓子使定公受齊女樂君臣相與觀之廢朝禮三日

十五年定公卒子將立

是為哀公

索隱系本將亦作蔣

哀公五年齊景公卒六年齊田乞

弑其君孺子七年吳王夫差彊伐齊至繒徵百牢於魯
季康子使子貢說吳王及太宰嚭以禮詘之吳王曰我
文身不足責禮乃止八年吳為鄒伐魯至城下盟而去
齊伐我取三邑十年伐齊南邊十二年齊伐魯季氏用
冉有有功思孔子孔子自衛歸魯十四年齊田常弑其
君簡公於徐州孔子請伐之哀公不聽十五年使子服
景伯子貢為介適齊齊歸我侵地田常初相欲親諸侯
十六年孔子卒二十二年越王勾踐滅吳王夫差二十

七年春季康子卒夏哀公患三桓將欲因諸侯以劫之

三桓亦患公作難故君臣多間

集解賈逵曰間隙也

公游于陵阪

集解服虔曰陵阪地名

遇孟武伯於衢

索隱一本作衛非也左傳於孟氏之衢

曰請

問余及死乎

集解杜預曰問已可得壽死不

對曰不知也公欲以越

伐三桓八月哀公如陘氏

集解杜預曰陘氏即有山氏

三桓攻公公

奔于衛去如鄒遂如越國人迎哀公復歸卒于有山氏

集解徐廣曰皇甫謐云哀公元甲辰終庚午

子寧立是為悼公悼公之時三

桓勝魯如小侯畀於三桓之家十三年三晉滅智伯分

其地有之三十七年悼公卒

集解徐廣曰一本云悼公即位三十年乃於秦惠王

卒楚懷王死年合又自悼公以下盡與劉歆歷譜合而反違年表未詳何故皇甫謐云悼公四十年元辛未終

戊子嘉立是為元公元公二十一年卒

集解徐廣曰皇甫謐云元辛亥

終辛未子顯立是為穆公

集解

徐廣曰皇甫謐云元壬申終甲辰

子奮立是為共公共公二十二年卒

集解徐廣曰皇甫謐云元乙巳終丙寅

子屯立是為康公

索隱屯音康公

九年卒

集解徐廣曰皇甫謐云元丁卯終乙亥

子匱立是為景公

索隱匱音偃

景公二十九年卒

集解徐廣曰皇甫謐云元丙子終甲辰

子叔立是為平

公索隱系本叔作旅

是時六國皆稱王平公十二年秦惠王卒

三十二年平公卒

集解徐廣曰皇甫謐云元乙巳終甲子

子賈立是為文

公

索隱系本作湑公鄒誕亦同系家或作文公

文公七年楚懷王死于秦二

十三年文公卒

集解徐廣曰皇甫謐云元乙丑終丁亥

子讎立是為頃公

頃公二年秦拔楚之郢

集解徐廣曰年表云文公十八年秦拔郢楚走陳

楚頃

王東徙于陳十九年楚伐我取徐州

集解徐廣曰徐州在魯東今薛縣索

隱說文邾邾之下邑在魯東又郡國志曰魯國薛縣六國時曰徐州又紀年云梁惠王三十一年下邳遷于薛

故名曰徐州則徐與邾並音舒

二十四年楚考烈王伐滅魯頃公亡遷

於下邑

集解徐廣曰下一作下索隱下邑謂國外之小邑本或作下邑然魯有下邑與此不同為

家人魯絕祀頃公卒于柯

集解徐廣曰皇甫謐云元戊子終辛亥索隱春秋齊及魯

盟于柯杜預曰柯齊邑今濟北東阿魯起周公至頃公凡三十四世

太史公曰余聞孔子稱曰甚矣魯道之衰也洙泗之間

斷斷如也

集解徐廣曰漢書地理志云魯濱洙泗之間其民涉渡幼者扶老者而代其任俗既薄長

老不自安與幼者相讓故曰斷斷如也斷魚斤反東州語也蓋幼者患苦長者長者忿愧自守故斷斷爭辭所

以為道衰也索隱讀如論語問問如也言魯道雖微而洙泗之間尚問問如也鄒誕生亦音銀又作斷斷如尚

書讀則斷斷是專一之義徐廣又引地理志音五艱反云斷斷是鬪爭之貌故繫欽遂行賦云涉洙泗而飲馬

恥少長之斷斷是也今按下文云至于揖讓之禮則從矣魯尚有揖讓之風如論語音問為得之
父及叔牙閔公之際何其亂也隱桓之事襄仲殺適立庶三家北面為臣親攻昭公昭公以奔至其揖讓之禮則從矣而行事何其戾也

索隱述贊曰武王既沒成王幼孤周公攝政負扆據圖及還臣列北面躬如元子封魯少昊之墟夾輔王室世職不渝降及孝公穆仲致譽隱能讓國春秋之初丘明執簡褒貶備書

史記卷三十三

史記卷三十三考證

魯周公世家乃為詩貽王命之曰鴟鴞王亦未敢訓周
公○徐孚遠曰乃為詩至訓周公十七字宜在上文
我所以為之若此句下

初成王少時病周公乃自揃其蚤沈之河以祝於神曰
王少未有識奸神命者乃旦也亦藏其策於府成王
病有瘳及成王用事人或譖周公周公奔楚成王發
府見周公禱書乃泣反周公○困學紀聞曰呂子進

曰考之於書啟金縢之書在周公未薨前而無揃蚤
事此蓋一事傳之者不同耳習學記言曰是時楚未
有國公奚之焉詩書以為居東而異說以為南奔
周公在豐病將沒○徐孚遠曰周公作洛後成王治鎬
京周公治洛尚書甚明曰必葬我成周即其地也無
緣在豐

武公九年春武公與長子括少子戲西朝周宣王○年
表武公立十年而卒是為周宣王之十二年下文云

夏武公歸而卒是立九年也與表互異

二十七年孝公卒○年表作三十八年宣王誅伯御在
伯御之十一年其年乃孝公元年而表以伯御元年
為孝公元年故較世家多十一年

慶父竟立莊公子開是為湣公索隱系本名曰啓○左
傳疏曰杜世族譜云名啓方

於是季友奉子申入立之是為釐公索隱湣公之弟名
曰申○杜預注左傳僖公閔公庶兄成風之子

獲喬如弟焚如○左傳作焚如

襄公元年晉立悼公○左傳及年表晉悼公立於成公十八年二月乙酉非襄公元年

季氏芥鷄羽集解服虔曰擣芥子播其雞羽可以至邱氏雞目○左傳疏引此語是賈逵之說非服虔也

齊伐我取三邑○左傳八年夏齊人取讎及閭二邑齊世家亦作取二邑

十五年使子服景伯子貢為介適齊齊歸我侵地○臣

世駿按齊歸我謹闡在八年春秋經傳無十五年歸侵地之事大約因歸成之語而誤耳

卒于有山氏集解徐廣曰皇甫謐云哀公元甲辰終庚午○年表甲辰為定公十三年哀公元為丁未左傳疏曰傳稱國人施罪于有山氏不得復歸而卒于其家也

史記卷三十三考證

欽定四庫全書薈要卷三千六百十二

史部

史記卷三十四

漢 太 史 令司馬遷 撰

宋 中 郎外兵 曹參軍裴 駟集解

唐 國子博士弘文館學士司馬貞索隱

唐 諸王侍 讀率府長史張守節正義

燕召公世家第四

召公奭與周同姓姓姬氏

集解譙周曰周之支族食邑於召謂之召公索隱召者畿

內采地與始食於召故曰召公或說者以為文王受命取岐周故墟召地分爵二公故詩有周召二南言皆在

岐山之陽故言南也後武王封之北燕在今幽州薊縣故城是也亦以元子就封而次子留周室代為召公至

宣王時召穆公虎其後也周武王之滅紂封召公於北燕集解駟案世本曰居

北燕宋忠曰有其在成王時召公為三公自陝以西召南燕故云北燕

公主之自陝以東周公主之集解何休曰陝者蓋今弘農陝縣是也成王

既幼周公攝政當國踐阼召公疑之作君奭集解孔安國曰尊之

曰君陳古以告君奭不說周公集解馬融曰召公以周公既攝政致太平功配

文武不宜復列在臣位故周公乃稱湯時有伊尹假于不說以為周公苟貪寵也

皇天

集解孔安國曰伊摯佐湯功大至天謂致太平也鄭玄曰皇天北極大帝也

在太戊時

則有若伊陟臣扈假于上帝巫咸治王家

集解孔安國曰伊陟臣扈

率伊尹之職使其君不隕祖業故至天之功不隕巫咸

治王家言其不及二臣馬融曰道至于上帝謂奉天時

也鄭玄曰上帝太

微中其所統也在祖乙時則有若巫賢

集解孔安國曰時賢臣有

如此巫賢也賢

在武丁則有若甘般

集解孔安國曰高宗即位甘般佐之

咸子巫氏也

後有卒維茲有陳保又有殷

集解徐廣曰一無此九字駟案王肅曰循此數臣有

陳列之功安

於是召公乃說召公之治西方甚得兆民

治有殷也

和召公巡行鄉邑有棠樹

正義今之棠梨樹也括地志云召伯廟在洛州壽安縣西

北五里召伯聽訟甘棠之下周人思之不伐其樹後人懷其德因立廟有棠在九曲城東阜上決獄政

事其下自侯伯至庶人各得其所無失職者召公卒而

民人思召公之政懷棠樹不敢伐歌詠之作甘棠之詩

自召公已下九世至惠侯

索隱並國史先失也又自惠侯已下皆無名亦不言屬惟

昭王父子有名蓋在戰國時旁見他說耳燕四十二代有二惠侯二釐侯二宣侯三桓侯二文侯蓋國史微失

本謚故重耳

燕惠侯當周厲王奔彘共和之時惠侯卒子釐

侯立

正義釐音僊

是歲周宣王初即位釐侯二十一年鄭桓

公初封於鄭三十六年釐侯卒子頃侯立頃侯二十年

周幽王淫亂為犬戎所弑秦始皇列為諸侯二十四年頃

侯卒子哀侯立哀侯二年卒子鄭侯立

索隱諡法無鄭鄭或是名鄭

侯三十六年卒子繆侯立繆侯七年而魯隱公元年也

十八年卒子宣侯立

索隱燕周云系本謂燕自宣侯已上皆父子相傳故無所疑桓侯已

下並不言屬以其難明故也按今系本無燕代系宋忠依太史公書以補其闕尋徐廣作音尚引系本蓋近代

始散

宣侯十三年卒子桓侯立

集解徐廣曰古史考曰世家自宣侯已下不說

其屬以其難明故也

桓侯七年卒

集解駟案系本曰桓侯徙臨子易宋忠曰今河間易縣是也子

莊公立莊公十二年齊桓公始霸十六年與宋衛共伐

周惠王惠王出奔溫立惠王弟頹為周王

集解 譙周曰按春秋傳燕

與子頹逐周惠王者乃南燕姑姓也系家以為北燕失之索隱譙周云據左氏燕與衛伐周惠王乃是南燕姑姓而系家以為北燕伯故著史考云此燕是姑姓今檢左氏莊十九年衛師燕師伐周二十年齊伐山戎傳云執燕仲父三十年齊伐山戎傳曰謀山戎以其病燕故也據傳文及此記元是北燕不疑杜君妄說仲父是南燕伯為伐周故且燕衛俱是姬姓故有伐周納王之事若是姑燕與衛伐周則鄭何以獨伐燕而不伐衛乎

十七年鄭執燕仲父而內惠王于周二十七年山戎來侵我齊桓公救燕遂北伐山戎而還燕君送齊桓公出

境桓公因割燕所至地予燕

正義予音與括地志云燕留故城在滄州長蘆縣東

北十七里即齊桓公分溝割燕君所至地與燕因築此城故名燕留使燕共貢天子如成

周時職使燕復修召公之法三十三年卒子襄公立襄

公二十六年晉文公為踐土之會稱伯三十一年秦師

敗于殽三十七年秦穆公卒四十年襄公卒桓公立桓

公十六年卒

索隱譙周云系家襄伯生宣伯無桓今檢史記並有桓公立十六年又宋忠據此史

補系家亦有桓公是允南所見本異則是燕有三桓公也

宣公立宣公十五年卒昭

公立昭公十三年卒武公立是歲晉滅三卻大夫武公

十九年卒文公立文公六年卒懿公立懿公元年齊崔

杼弑其君莊公四年卒子惠公立惠公元年齊高止來

奔六年惠公多寵姬公欲去諸大夫而立寵姬宋大夫

共誅姬宋

索隱宋其名也或作宗劉氏云其父兄為執政故諸大夫共滅之

惠公懼奔

齊四年齊高偃如晉請共伐燕入其君晉平公許與齊

伐燕入惠公惠公至燕而死

索隱春秋昭三年北燕伯款奔齊至六年又云齊伐

北燕一與此文合左傳無納款之文而云將納簡公晏子曰燕君不入矣齊遂受賂而還事與此乖而又以款為簡公簡公後惠公四伐則與春秋經傳不相協未可強言也

燕立悼公悼公七年卒

共公立共公五年卒平公立晉公室卑六卿始彊太平

公十八年吳王闔閭破楚入郢十九年卒簡公立簡公

十二年卒獻公立

索隱王劭按紀年簡公後次孝公無獻公然紀年之書多是譌謬聊記異

耳晉趙鞅圍范中行於朝歌獻公十二年齊田常弑其

君簡公十四年孔子卒二十八年獻公卒孝公立孝公

十二年韓魏趙滅智伯分其地

索隱按紀年智伯滅在成公二年也

三晉

彊十五年孝公卒成公立成公十六年卒

索隱按紀年成侯名載

湣公立湣公三十一年卒釐公立

索隱年表作釐侯莊徐廣云一無莊字按

燕失年紀及其君名表言莊者衍字也

是歲三晉列爲諸侯

索隱按紀年作文公二十

四年卒簡公立十三年而三
晉命邑爲諸侯與此不同
釐公三十年伐齊敗于林

營
索隱林營地名一云林地名於林地立營故曰林營
釐公卒
索隱紀年作簡公四十五年卒妄也

按上簡公生獻公則此
當是釐但立年又誤耳桓公立桓公十一年卒文公立

索隱系本已上文公爲閔公則湣
與閔同而上懿公之父又謚文公是歲秦獻公卒秦益

彊文公十九年齊威王卒二十八年蘓秦始來見說文

公文公予車馬金帛以至趙趙肅侯用之因約六國爲

從長
正義從足從反長丁丈反
秦惠王以其女爲燕太子婦二十九

年文公卒太子立是爲易王易王初立齊宣王因燕喪

伐我取十城蘇秦說齊使復歸燕十城十年燕君爲王

索隱燕君即易王也言君初以十年即稱王也上言易王者易謚也後追書謚耳

蘇秦與燕文

公夫人私通懼誅乃說王使齊爲反間欲以亂齊

集解駟案

孫子兵法曰反間者因敵間而用之者也凡軍之所欲擊城之所欲攻人之所欲殺必先知其守將左右謁者門者舍人之姓名令吾之間必索敵間之來間我者因而利導舍之故反間可得用也正義使音所史反間音反紀寬
易王立十二年卒子燕噲立燕噲既立齊人殺蘇

秦蘇秦之在燕與其相子之爲婚而蘇代與子之交及蘇秦死而齊宣王復用蘇代燕噲三年與楚三晉攻秦

不勝而還子之相燕貴重主斷蘇代爲齊使於燕

索隱按戰

國策曰子之使蘇代侍質子於齊齊使代報燕是也

燕王問曰齊王奚如對曰必

不霸燕王曰何也對曰不信其臣蘇代欲以激燕王以

尊子之也於是燕王大信子之子之因遺蘇代百金

正義

瓚曰秦以一鎰爲一金

而聽其所使鹿毛壽

集解徐廣曰一作厝

孟康云二十四兩曰鎰

毛又曰甘陵縣本名厝索隱春秋後語亦作厝毛壽又韓子作潘壽

謂燕王不如以國讓

相子之人之謂堯賢者以其讓天下於許由許由不受

有讓天下之名而實不失天下今王以國讓於子之子

之必不敢受是王與堯同行也燕王因屬國於子之子

之大重

索隱大重謂尊貴也

或曰禹薦益已

索隱以已配益則益已是伯益而經傳無

其文未知所由或曰已語終辭

而以啓人爲吏

索隱人猶臣也謂以啓臣爲益吏也

及老

而以啓爲不足任乎天下傳之於益已而啓與交黨攻

益奪之天下謂禹名傳天下於益已而實令啓自取之

今王言屬國於子之而吏無非太子人者

索隱此人亦訓臣也

是

名屬子之而實太子用事也王因收印自三百石吏已

上而效之子之

索隱鄭玄云效呈也以印呈與子之

子之南面行王事而

噲老不聽政顧為臣

索隱顧猶反也言噲反為子之臣也有本作顧者非

國事皆

決於子之三年國大亂百姓恫恐

索隱恫猶痛也民皆恐懼

將軍市

被

正義人姓名

與太子平謀將攻子之諸將謂齊湣王曰因

而赴之破燕必矣齊王因令人謂燕太子平曰寡人聞

太子之義將廢私而立公飭君臣之義

正義飭音勅

明父子

之位寡人之國小不足以為先後

正義先後並去聲

雖然則唯

太子所以令之太子因要黨聚眾將軍市被圍公宮攻

子之不克將軍市被及百姓反攻太子平將軍市被死

以徇因構難數月死者數萬衆人恫恐百姓離志孟軻

謂齊王曰今伐燕此文武之時不可失也

索隱謂如武王成文王之

業伐紂之時然此語與孟子不同

王因令章子將五都之兵

集解駟案章子齊人

見孟子索隱五都即齊也按臨淄是五都之一

以因北地之衆以伐燕

索隱北地即齊

之北士卒不戰城門不閉燕君噲死齊大勝燕子之亡

集解徐廣曰年表云君噲及太子相子之皆死駟案汲冢紀年曰齊人禽子之而醢其身也

二年而

燕人共立太子平是爲燕昭王

集解徐廣曰噲立七年而死其九年燕人共立

太子平索隱按上文太子平謀攻子之而年表又云君噲及太子相子之皆死紀年又云子之殺公子平今此

文云立太子平是為燕昭王則年表紀年為謬也而趙
系家云武靈王聞燕亂召公子職於韓立以為燕王使
樂池送之裴駟亦以此系家無趙送公子職之事當是
遙立職而送之事竟不就則昭王名平非職明矣進退
叅詳是年表既誤而燕昭王於破燕之後即位卑身厚
幣以招賢者謂郭隗曰齊因孤之國亂而襲破燕孤極
知燕小力少不足以報然誠得賢士以共國以雪先王
之恥孤之願也先生視可者得身事之郭隗曰王必欲
致士先從隗始况賢於隗者豈遠千里哉於是昭王為
隗改築宮而師事之樂毅自魏往鄒衍自齊往劇辛自

趙往士爭趨燕燕王弔死問孤與百姓同甘苦二十八年燕國殷富士卒樂軼輕戰於是遂以樂毅為上將軍與秦楚三晉合謀以伐齊齊兵敗湣王出亡於外燕兵獨追北入至臨淄盡取齊寶燒其宮室宗廟齊城之不

下者獨唯聊莒即墨

索隱按餘篇及戰國策並無聊字

其餘皆屬燕六

歲昭王三十三年卒子惠王立惠王為太子時與樂毅有隙及即位疑毅使騎劫代將樂毅亡走趙齊田單以即墨擊敗燕軍騎劫死燕兵引歸齊悉復得其故城湣

王死于莒乃立其子為襄王惠王七年卒

索隱按趙系家惠文王二

十八年燕相成安君公孫操弑其王樂資以為即惠王也徐廣按年表是年燕武成王元年武成即惠王子則

惠王為成安君弑明矣此不言者燕遠諱不告或太史公之說疎也韓魏楚共伐燕燕武

成王立武成王七年齊田單伐我拔中陽十三年秦敗

趙於長平四十餘萬十四年武成王卒子孝王立孝王

元年秦圍邯鄲者解去三年卒子今王喜立

索隱今王猶今上也

有作金者非也按諡法無金今王喜四年秦昭王卒燕王命相栗腹

約歡趙以五百金為趙王酒還報燕王曰趙王壯者皆

死長平其孤未壯可伐也王召昌國君樂間問之對曰

趙四戰之國

正義趙東隣燕西接秦境南錯韓魏北連胡貊故言四戰

其民習兵不

可伐王曰吾以五而伐一

索隱謂以五人而伐一人

對曰不可燕王

怒羣臣皆以為可卒起二軍車二千乘栗腹將而攻鄒

集解徐廣曰在常山今曰高邑索隱鄒氏音火角反一音昊

卿秦攻代

正義今代州也

唯獨

大夫將渠謂燕王曰

索隱人名姓也一云上卿秦及此將渠皆卿將官秦渠其名也國史

變文而書遂失姓爾戰國策云慶秦慶是姓也卿其官耳

與人通關約交以五百金

飲人之王使者報而反攻之不祥兵無成功燕王不聽

自將偏軍隨之將渠引燕王綏止之曰王必無自往往

無成功王楚之以足將渠泣曰臣非以自為為王也燕

軍至宋子

集解徐廣曰屬鉅鹿

趙使廉頗將擊破栗腹於鄢破卿

秦樂乘於代

索隱戰國策曰廉頗以二十萬遇栗腹於鄢樂乘以五萬遇慶秦於代燕人大敗與

此不樂間奔趙廉頗逐之五百餘里圍其國燕人請和

趙人不許必令將渠處和燕相將渠以處和

集解以將渠為相索

隱謂欲令將渠處之使和也

趙聽將渠解燕圍六年秦滅東西周置

三川郡七年秦拔趙榆次三十七城秦置太原郡九年

秦王政初即位十年趙使廉頗將攻繁陽

集解徐廣曰屬魏郡拔

之趙孝成王卒悼襄王立使樂乘代廉頗廉頗不聽攻

樂乘樂乘走廉頗奔大梁十二年趙使李牧攻燕拔武

遂

集解徐廣曰屬河間

方城

集解徐廣曰屬涿有督亢亭

劇辛故居趙與龐煖

善

索隱煖音況遠反

已而亡走燕燕見趙數困于秦而廉頗去

令龐煖將也欲因趙弊攻之問劇辛辛曰龐煖易與耳

燕使劇辛將擊趙趙使龐煖擊之取燕軍二萬殺劇辛

秦拔魏二十城置東郡十九年秦拔趙之鄴

正義即相州鄴縣也

九城趙悼襄王卒二十三年太子丹質於秦亡歸燕二

十五年秦虜滅韓王安置潁川郡二十七年秦虜趙王

遷滅趙趙公子嘉自立爲代王燕見秦且滅六國秦兵

臨易水

集解徐廣曰出涿郡故安也

禍且至燕太子丹陰養壯士二

十人使荊軻獻督亢地圖於秦

索隱徐廣云涿有督亢亭地理志屬廣陽然督

亢之田在燕東甚良沃欲獻秦故畫其圖而獻焉

因襲刺秦王秦王覺殺軻使

將軍王翦擊燕二十九年秦攻拔我薊燕王亡徙居遼

東斬丹以獻秦三十年秦滅魏三十三年秦拔遼東虜

燕王喜卒滅燕是歲秦將王賁

正義賁音奔王翦子

亦虜代王嘉

太史公曰召公奭可謂仁矣甘棠且思之況其人乎燕

北迫蠻貉內措齊晉

索隱措交難也又作錯劉氏云爭錯也

崎嶇彊國之

間最為弱小幾滅者數矣然社稷血食者八九百歲於

姬姓獨後亡豈非召公之烈耶

索隱述贊曰召伯作相分陝而治人惠其德甘棠是思莊送霸主惠羅寵姬文公約趙蘇秦騁辭易王初立齊宣我欺燕噲無道禪位子之昭王待士思報臨菑督亢不就卒見芟夷

史記卷三十四

史記第三十四考證

燕召公世家惠公多寵姬欲去諸大夫而立寵姬宋大

夫共誅姬宋○

臣照

按三姬字俱應作臣世表云公

欲殺公卿立幸臣公卿誅幸臣公恐出奔齊然則三
姬字並為臣字之訛無疑也公欲立寵姬為妃何必
去諸大夫而後得立耶

及蘇秦死而齊宣王復用蘇代○

臣照

按田完世家及

六國年表齊宣王卒後四年燕王噲方立齊人殺蘇

秦及齊破燕並是齊湣王事與孟子異乃此處却謂是齊宣太史公不應首鼠兩端蓋宣為湣字之誤也顧孟子作齊宣而史記作齊湣其故不可得而考矣而噲老不聽政顧為臣○不監本訛作大今改正

齊城之不下者獨唯聊莒即墨索隱按餘篇及戰國策並無聊字○徐孚遠曰燕將已下聊城與惠王有郄而不歸則聊字衍文且齊城不拔者向惟二也

悉復得其故城○故監本作敗今依宋本作故

十三年秦敗趙於長平四十餘萬○六國年表及秦本紀秦昭襄之四十七年于趙孝成王為六年是年秦阬趙卒於燕武成王為十二年此云十三年與趙世家合於秦本紀及年表差一年

殺劇辛○

臣照

按六國年表劇辛死於趙在十三年又

按昭王即位劇辛自趙往至此經七十年歷五王當有兩劇辛耶否則皆傳訛也

史記卷三十四考證

欽定四庫全書薈要卷三千六百十三

史部

史記卷三十五

漢 太 史 令司馬遷 撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

管蔡世家第五

管叔鮮

正義音仙括地志云鄭州管城縣今州外城即管國城也是叔鮮所封國也

蔡叔度

者周文王子而武王弟也武王同母兄弟十人母曰太

如正義國語云杞繒二國如姓夏禹之後太如之家太如文王之妃武王之母列女傳云太如者武王之母

禹後如氏之女也在郇之陽在渭之涘仁而明道文王喜之親迎于渭造舟爲梁及入太如思齊旦夕勤勞以

盡婦道太如號曰文母文王理外文母治內太如生十男教誨自少及長未嘗見邪僻之事言常以正道持之

也文王正妃也其長子曰伯邑考次曰武王發次曰管

叔鮮次曰周公旦次曰蔡叔度次曰曹叔振鐸次曰成

叔武

正義括地志云濮州雷澤縣在東南九十一里次漢邠陽縣古邠伯姬姓之國其後遷於成之陽

曰霍叔處

正義處昌汝反括地志云晉州霍邑縣本漢彘縣也鄭玄注周禮云霍山在彘本春秋時